

諸暨縣志卷四十一

坊宅志一

昔宋敏求作長安志舉凡坊市之曲折第宅之興廢總萃隱括一一皆指其實今仿其例爲坊宅志二卷坊以舉人爲例兩貞烈之卓絕者亦載一二宅以進士爲例文官三品以上武官二品以上有功業文章著述高行入列傳者雖布衣亦書焉上本韋述兩京之記近援徐松城坊之考城以內以門爲經以街爲緯城以外以鄉與都爲次第備載街巷里第園林別墅閒注詩文於本條之下古存其名今紀其實興衰存亡之故載筆及之殊有東京夢華之思焉

承流宣化坊在縣前

牧民坊在縣前

大街卽縣前直街在三思橋南自北至南分上下段三思橋至中

水門爲下五堡中水門至上水門爲上五堡爲邑城貿易之場

寔賢坊在縣前一名臨塵坊

製鏡坊在三思橋前舊名永安坊

魚市在三思橋下

功德司在魚市南明永豐伯張鵬翼故宅

十字街在功德司南當中水門之衝其西爲下橫街一名漁桁街

橫街左曲巷爲滿州城里後憑湖相傳爲元達嚕噶齊署陞孝

子酈祖桓故居在焉

大司寇坊在十字街南明南京刑部尙書翁溥建今圯

少司馬坊在十字街南明兵部左侍郎翁溥建今圯

父子登科坊在十字街南明正統戊午舉人馮謙成化丁酉舉人

馮珏建今圯

京兆儒師坊在十字街南宋京兆發解八行上舍張堅建今圯

安定故居在南城宋襲封安定郡王趙令諤姪子濤舊居

世進士第在南門內宋紹熙庚戌進士趙伯樞寶祐丙辰進士趙

希屋祖孫故居

兩鵲室在南門內諸生趙式故宅式著有兩鵲詞

進士坊在南城稅課司前明成化戊戌進士馮珏建

萬壽街在南城當上水門之衝西通大雄寺寺有萬壽宮故名

街東口有洞門題曰永安坊或卽永安坊遺址俗名上橫街

葛氏藏書樓在萬壽街路北諸生葛玉書建今燬

端毅故宅在葛氏藏書樓南端毅先生趙泰舊居

白魚堂在端毅故宅旁歲貢生趙機故居

安福里在白魚堂西左通南門右接紫山為城南最高處

桂花坊在桂花橋旁一名道山坊以通乾明觀故名

上橋巷在桂花橋右路通紫山桂花橋俗稱上湖橋

綵織坊在桂花橋斜對一名永歲坊舊酒庫在焉路通養濟院

濟院今在北郭古時南城當別有養濟院今無考

琉璃軒在西門內大雄寺吳赤烏三年建今圯

碧琉璃天人舉目視中有魚龍知不知

先照樓在大雄寺中今圯

開第幾重

范蠡故宅於越新編在諸暨縣西一里長山側今為翠峰寺

時名淨觀院後改翠峰寺大雄寺東禪房也今廢

名離百越越城猶在范家無他人不解扁舟意卻笑輕生泛五湖吳萊范蠡宅詩淡淡寒雲鶴影邊荒阡故宅忽千年大夫已

張蟻范蠡故宅詩一變姓

賜平吳劍西子還隨去越船白石撐空留罔象青松
落井化蜿蜒徒憐此地無章甫只解區區學計然

會魁第在翠峰寺前康熙丙戌進士酈祖仁故宅俗呼會魁牌樓

窮孝子故居在會魁第右孝子酈怡順舊宅

後街自大雄寺轉北達南里許俱名後街

朱家街前臨後街後通翠峰寺明含山縣知縣朱長庚故宅後遷

龍泉鄉巢句山之嘯客堂

高士軒在後街明績溪主簿酈琥建琥官江南時汪周潭中丞高

其行以朱文公簿同安有高士軒書額贈之及告歸卽以此顏

其室今圯

駱問禮高士軒詩政暇棲遲處幽懷慕昔賢官卑心
自壯道在世何懸有地都開徑無人獨草元霜清琴

鼎月日映鶴茶煙得酒渾忘吏迎僧
不問禪同安山水色飛繞碧簾前

忠孝第在後街永州通判酈允昌子逢新故宅

大儒第在後街明廩生酈洙孫邵武縣知縣酈光祖故居知縣朱

之翰題曰道學大儒

酈孝子故宅在後街順治間孝子酈之樞舊居

蟹眼橋里在蟹眼橋橋跨小澗平與地等當後街達姚舍山之衝

西有太婆井四眼井在其南

真人遺宅在四眼井頭明真人酈靖故居宅中遺蹟甚多咸豐辛

酉燬於兵

進士第俗呼魏朱橋里舊有古木大數十圍光緒乙未進士何榮

烈自西安鄉遷邑城築室於此卽真人宅址也

登仕橋里在酈氏宗祠後登仕橋北橋南卽下橫街

紫羅街在登仕橋北以石砌街紋如紫羅故名

執笏街在登仕橋北下橫街西隔湖爲學宮左右環接湖隄形似

執笏故名

學趾街在執笏街東面湖後通功德司俗稱奎星閣下此係學宮
巽方或舊有閣俗故沿稱未可知也然趾無可考

鋪前街學趾街自南而北東折爲鋪前街街北爲試館館東側爲
義塾西側爲冊局內有紹興府知府霍順武祠街東接縣署西
口路北爲毓秀書院負毓秀山書院西爲學宮

趙孝子坊在學宮前康熙五十一年諸生趙璧建今圯

探花坊在學宮前明永樂壬辰進士王鈺建今圯

司諫坊在學宮前明吏科給事中翁溥建今圯

新街在學宮西南明知縣徐履祥築隄以界學湖舊稱徐公隄後
列肆滿隄因名新街俗呼爲新埂頂

芹橋里在新街西采芹橋頭

雙烈坊在采芹橋西南道光六年陳烈婦陸氏方烈婦李氏建坊

南有雙烈祠今圯

丹桂坊在采芹橋西南元至正辛巳副榜高葆傳申屠性建今圯
其遺趾歸金氏

狀元坊在采芹橋北南司南宋淳熙己酉上舍釋褐陸唐老建今
爲社祠

鳳儀街在南司北後通姚舍山世傳姚舜明居此

彎角嶺自南司達城隍廟路由此俗稱見家嶺考字書無見字

句亭在姚舍山下世傳宋京城防禦使陳謨居此陳氏後裔遂以
句亭名其族譜而改稱姚舍山爲句亭山

進士第在姚舍山前道光壬辰進士王應槐故宅

楊衙在北門內明安慶府知府楊肇泰故宅今歸酈氏

聯桂坊在北門內元至正甲申副榜申屠性王賀建今圯

陳推官宅在北隅明臨安府推官陳祥舊居

陳孝子宅在北隅明諸生陳泰階故宅

安仁坊舊在縣前今移建北門

案初移至關帝廟左側乾隆間移至北門故廟側今稱古安仁坊

龍角石里在北門火神廟東南訓導署西有石高三尺矗立道旁故名

官園在官園嶺舊爲官園今民居櫛比矣亦稱花園嶺

八封亭在小陶朱山巔亦名八風亭

裏半粉街在北司南東門內自東門至下水門曰裏半粉街東接

縣署其在城外者曰外半粉街

東郭

勸農坊在東門外

燼餘室在太平橋下歲貢生石作硯著書之室室燬於火撰述蕩

然故名曰燼餘其所著文為燼餘集

西施坊在浣西太平橋下西施灘今圯

西施門章志西施灘上有西施門今圯

永泰坊在浣東舊名使星坊以近使華館得名

迂福門俗作下坊門在浣東文明閣下東隅與七十二都交界處舊有

接官亭後廢明知縣朱廷立修復之更名觀稼知縣劉光復又

改為貞烈祠

水口坊在文明閣下有水口菴袁滂妻陳氏建坊於此故名

相門坊在東隅宋知縣王榕解官後遷居於此榕為左丞王安禮

曾孫故名據王氏譜榕知諸暨縣遭靖康之難避居東隅之下

洋名其坊曰相門今下洋無考而東隅盡於此坊當是下洋遺

址

牌軒里在三層樓南巷口有袁黃氏節孝坊故名巷甚深孝子袁

仁居巷內

半情居在長巷左監生酈滋德故宅

酈滋德題半情居詩有婚無
官欲難生自此山房號半情

天末何人憑檻立碧雲日暮奏瑤笙
古諺人不婚宦情欲失半此吾居名所自也

上袁門在長巷南內有曲巷通馬道街

毛隱士廬在上袁門元隱士毛倫故宅今廢

世德清門在上袁門左義士郭元宰故居俗稱聖臣房聖臣元宰

字也

江東街分上下段太平橋東橫街口南曰上江東街北曰下江東

街

丁字街在橫街口俗呼耨耙街百貨輻湊亞於縣前大街

太和街在丁字街南

馬道街在江東街盡處左爲二十三都通道長百餘丈

見家巷在馬道街中間高處見俗作覓說見彎角嶺

函雅堂在覓家巷道光庚子舉人郭鳳沼校書之室道州何紹基

題額

三四竿竹屋在函雅堂內額爲郭也石先生書

郡司馬第在馬道街左明思南府同知郭元佐故宅俗稱花廳門

台輔坊在馬道街口靈惠王廟前舊志宋名永樂坊以參政姚憲

居此改名今坊圯遺址爲姚氏香火祠

靈雨亭在靈惠王廟側明隆慶二年知縣梁子琦建今圯

學種花莊在靈惠王廟前郭東原著有學種花莊集其孫

雲校刊山陰王苜村明季小樂府於此莊

知縣趙倓撰有學種花莊序

瀛塘莊在上江東郭氏宗祠左案張氏譜元有張庠者以進士官

慶元路稅課大使居瀛塘莊今無可考

桐竹廬在瀛塘山孝子郭麟圖廬墓處

神秀坊舊志在江東以東嶽行宮得名今圯

小街在上網廟上接陶家埂

也可園在小街南諸生陳思湄家園今廢

陳思湄也可園春暮詩
幽居似隱淪四壁竹爲

鄰牆矮花窺客樓高月礙人鶯聲將入夏
燕語欲留賓釀得春醪熟呼朋漉葛巾

鶴溪書屋在上江東東嶽廟右郭麟圖著賢達傳於此後改爲賓

賢祠

百歲坊在東嶽廟前翁有浩妻楊氏建

趙烈婦碑亭在東嶽廟前光緒二十年廩生趙學裘妻方氏建

貞女亭在烈婦亭側金槎聘妻袁貞女建

永壽坊在永壽寺前今圯

鄭旦故里在金雞山下鷓鴣灣村人皆鄭姓世以養鷓鴣捕魚為

業相傳為鄭旦舊居傳墨林鄭旦故里詩西子本姓施村已無此姓惟有鷓鴣灣至今尚姓鄭

南郭

范鄰坊在南門外一名採蓮坊又名菱亭地通上湖以近范相壇

得名

鐵店街在南門外水神廟南面江舊多鐵肆故名

全有堂在南門外明監察御史黃鄰故宅宋濂全有堂箴

無者有之對其謂之有者何心中本具不假外求也其謂全有者何天德也天德之著也如鑑之明也萬理森然隨物而應之也既曰全有或乃蹶之喪之以至弗完者何人偽之滋也人偽之滋非學不足克之也克之者何整爾甲礪爾戈力戰而勝之也是故生而能全之謂聖人修而復全之謂賢人棄而不知求全之謂愚人三者之不同奈何敬與怠之謂也黃君欲全其所殆非敬將何以全之黃君以政學聞於時復遑遑自治不止其不縮智不贏毫末咸具天人并君子乾乾守以誠其有乃全百

甯體

御史坊在全有堂前明洪武間黃鄰建今圯

臨津坊在南門外三里許義津橋范相祠側

夫子巷舊志在臨津坊東今無所考

范相壇於越新編在諸暨縣南九里有陶朱公祠案祠在義津橋

南范蠡巖下離城祇三里外新編以為九里者誤

巫里在南門外越絕書巫里者句踐徙羣巫出於一里樂史寰宇

記諸暨縣巫里句踐得西施之所

案今本越絕作句踐所徙巫縣五十里

苧蘿村在苧蘿山下西施故里

王維西施篇豔色天下重西施甯人微朝為越溪女暮作吳宮妃賤

日豈殊眾貴來方悟稀要人傳香粉不自著羅衣君寵益嬌態君憐無是非當時浣紗伴莫得同車歸寄謝鄰家女效顰安可希趙怵西施詠吳宮金玉似泥沙西子東來舉國誇一旦越兵聲震地夫差猶感眼中花杜衍西施村題詩曲曲溪流隱隱村美人微步含朝噉吳宮花草埋難久越水瑠璣想尚存兩字忠貞昭白石千秋幽恨掃黃昏應憐當日鬢眉者亦自嫌推巾幘

尊何雲西施吟曾將粉鏡淚灑向館娃宮命盡之吳日天留霸
 越功曉寒侵夜月香冷撲秋風媿殺轆轤輩魚須出袖中陳嘉
 謀苧蘿村詩施氏山下舊有人吳王宮殿幾重新年來綠樹村
 邊月夜半青溪夢裏身衰草盡隨黛眉落飛花長送杜鵑寺西
 家女俠今何在白苧輕蘿謝四鄰邪侗西施吟苧蘿山下女如
 雪復如花了頭謝鈿妝焜炫表朝霞將紗濯江水返景晒江沙
 流盼一顧影浩淼思無涯貌妍命應賤年笄誰為家捧心時作
 劇女藪相環遮傾城何必笑含顰良自嘉屠隆夷光詠無奈娥
 眉絕世妍君王初召百花前西園燭冷羞珠翠北渚花繁誤管
 絃裊裊春紗白溪水娟娟秋月又湖煙野風日漸銷宮粉應傍
 垂楊理釣船李攀龍西施詠扁舟歸女五湖春愁見紅顏掌上
 新明月自閒歌舞地秋風憔悴捧心人王思任西施行西施妾
 吳宮三月予歸甯旌旗蔽百里輿枉渡西陵句踐臣道左夫人
 上櫛巾過啗東家姊胡然老未行左手落鳳釧右手入黃金東
 施笑不受阿妹且自珍姊貌不如人守女且得真酌之以溪水
 歡然道生平妹出謹鍵戶但聞車績聲屈大均詩苧蘿村上女
 美者出西家霸越憑歌舞亡吳是麗華素娥空外月紅粉鏡中
 震清絕耶溪月千秋一浣沙盛唐苧蘿懷古詩苧蘿山上新月
 纖苧蘿山下流泉冷月纖猶學捧心顰水冷曾照浣紗影美人
 一去五湖長姑蘇麋鹿苧蘿荒後來何限登臨者渺焉四顧感
 蒼茫山川有靈天地老古人已古今人好安知貧賤鬻薪者不
 有娉婷嫁不早當時未遇江上村花月春風幾斷魂亡吳霸越
 勳何有只合田夫匹野鴛鴦我來仍對纖纖月畫出蛾眉不暫歇
 解影仍濯清冷水明霞一片紅顏起川媚山輝千百年後生之

秀誰為傳少伯不來良媒絕委泥珠玉空自憐君不見明妃村
綠珠井生女至今猶美倚君如重肯過苧蘿西施夷光何足多
魯曾煜過苧蘿村詩岸旁桃李已無存石上青苔沒舊痕難煞
紅顏成大事當初悔不住東村嘗膽君王味若飴五千甲楯送
蛾眉黃金入越無顏色不鑄西施鑄范蠡湖上扁舟謝句踐江
頭一死報鳴夷可憐鳥盡弓藏日未是同歸白首時孫光憲思
越人詞落蓮枯宮樹老長洲廢苑蕭條想像玉人空處所月明
獨上溪橋經春初敗秋風起紅蘭綠蕙愁死一片風流傷心地
魂銷目斷西子王思任婆羅門引苧蘿山下無名野豔沒殘碑
我來一訪西施但見數間古廟幽恨少人知只谿頭霧縠石上
煙絲物在人非剛頭點丁令威惟有荒涼故地古冢纍纍弓鞋
留印笑中郎袖拂太狂痴可曾見十載素衣陳維崧浣溪沙詞
格格沙禽拍野塘離離苦竹上空牆投金灘在漾斜陽擊絮人
纔憐伍員浣紗溪又產夷光英雄生死係紅妝孔身祝英臺近
詞隔溪村尋韻事力怯行偏誤獨訪三家也有關情處可憐石
上青苔江邊碧草也當得春風一度王軒句感動香魂呆把鞋
痕覷那看怪鳥呼人野花媚客又踏一條煙路趙式西江月詞
隔岸數間古廟連城一帶荒邱浣紗片石已千秋西子而今在
否浦口蘆花月白渡頭楊柳風柔
小舟一葉放中流綠樹青山依舊

茅家步施鄭舊居王會新編西施鄭旦皆居茅家步沿村有溪皆
浣紗焉距苧蘿不遠今茅家步尚存茅家井居井左右者世出

佳麗一人亦猶綠珠所生之地而有綠珠井也

浣溪坊在浣江邊舊志一名范川坊

浣溪亭在苧蘿山麓於越新編在諸暨浣溪舊志不詳其地西子

祠邊舊有亭或其遺迹也咸豐辛酉燬於兵吳萊浣溪亭詩

珠論斗比猶輕山圍故堞青螺色水湧寒灘白苧聲百萬甲兵終畏敵尋常花草豈傾城歸來徒作興亡鑑誰寫當年一寸誠

石庭山里在苧蘿山西苧蘿山由此落脈山甚小石皆紫色猶蕭

山之有紅粉石也今居民多業石粉

芝山坊在縣西南三里芝山一名義開坊亦名靈芝坊

芝山亭在芝山坊唐天寶中邑令郭密之建今圯

學士第在南門外三踏步宋紹定壬辰進士翰林學士承旨周恪

故宅恪葬苧蘿山之原

清燕樓在學士第內周恪藏書之樓今圯

守一道人故居在三踏步明守一道人周瑾舊宅今廢

西郭

鄭氏別墅在城西南桃花林武陵徑桃花最盛處環垣洞門風趣幽豔每歲三月城中裙屐絡繹於道今則荆棘滿目別墅故址無復存矣

北郭

華纓坊在北門外一名永昌坊

北門街在北門外

葉去病先生故廬在邑廟前後徙居北門外

孫翰林故里在北門街光緒己丑進士翰林院檢討孫廷翰祖居步雲坊在北門街明永樂丁酉舉人阮溥建今圯

朝京門在北隅盡處今稱爲檐前街張氏聚落案明初北門名朝

京後人移其額於城外北隅

新雨山房在朝京門元逸民張英建今廢

宋濂新雨山房記諸暨為紹興屬邑與婺鄰國

初定婺伐偽吳張氏相持未決兵守諸暨界上張氏恃諸暨為藩籬乘閒出兵侵掠兩軍屠戮無虛時故諸暨被兵特甚崇費巨室焚為瓦礫灰燼竹樹花石斷為樓櫓戈礮樵薪之用民懲其害多徙避深山大谷棄故阨而不居過者傷之今國家平定已十餘年生民各安其業吾意其中必有修飭室廬以復盛時之觀者而未之見今年邑士方伯修為余稱其友張君仁傑居諸暨北門之外故宅昔已燬及兵靖事息始闢陞夷撤創屋十餘楹旁植修竹數百四時之花環藝左右琴牀酒爐詩畫之具咸列於室仁傑當未亂時嘗有祿食至今郡縣屢辟之輒辭不赴以文墨自娛甚適號其室曰新雨山房願得余文記之一室之廢興為事甚微然可以占世之治亂人之勞逸非徒然也方兵革之殷人有子女金帛懼不能保雖有居室甯暇完葺而知其安乎糗糧芻茭之需叫號徵逮者填於門雖有花木之美詩酒之娛孰能樂之乎今仁傑獲俯仰一室以察時物之變窮性情之安果誰使然也非上之人撥亂致治之功耶自古極治之時賢且能者運於上隴畝之民相安於下而不知其所由然飫飽歌呼秩然成文成周盛時之詩是也安知今不若古之時耶仁傑其試為之余他日南歸駕小車過北門求有竹之家而問焉仁傑尚歌以發我

余當鼓缶而和焉

陳孝子故里在朝京門外丁路頭拔貢生陳光訓舊居今廢

陶朱鄉

貞孝亭在正一都丁路頭迤北陳乃大聘妻孫貞女建

朱買臣書堂在正一都松山下即陶朱山高似孫刻錄云暨陽有買

書堂及祠今無考

相門里在正一都陶朱山宋王厚之以直寶文閣致仕由相門

移居於此故元時增立此里互詳東郭相門坊

旌孝坊在陶朱山前明永樂時孝子趙紳建

虛白室在正一都占稼山後有樓三重鄺國華著書處今圯

開元鄉

趙孝子故宅在正二都水磨頭康熙間孝子趙氏璧居此

浮邱亭在附二都劉家山頭乾隆六十年重建地有阜隆起名浮

邱俗傳爲浮邱仙翁隱處

花山鄉

朝奉第在三都青山里宋嘉定丁丑進士章又新故宅今改爲祠
進士第在朝奉第西南順治壬辰進士章平事故宅中有受齋堂
超然樓在進士第側章平事藏書之樓初名世香樓常州戚其濬爲
題超然物外四字因改名焉今題署尙存樓下有夢應井

三都市在青山里

兩梧書院在市橋北章平事建

儒林第在三都下倪莊柴桑先生章陶故居先是有耆宿見其家
重經術爲題儒林第三字而去人以爲允遂沿稱之石作硯云
貞女坊在三都蔣陽傳作和聘妻方貞女建

正義堂在四都白門元方鑑勅建義塾顏其後堂曰正義中祀先

聖先師旁列六齋以六藝劇切諸生聘慈溪黃叔英天台項炯

浦江吳萊迭主講席宋濂王禕戴良俱來肄業造就後學甚眾

今圯旁有義莊今亦圯孟述古正義堂記友人方君景高曩與

政隳比閭族黨之風靡欲築室買田教養其族人子弟志未遠

焉後其子子兼割膏腴以承先志以仁三族以詔方來而自視

欲然若不足曰昔丞相魏國史公鎮吾越念士大夫貧無以喪

葬嫁遣者置田附於學時其出入人德之視文正范公振其族

得無閒然乎余曰子兼儒家其貲產非能出一縣之上也非有

俸入祿賜之豐也其族非果待此而舉火也前竹後蕙和氣藹

如倘於所厚者薄雖萬鍾有出而哇之者矣東里老農孫不滿

十石讓數斗醉陶然自樂若不知謀生者若不知爲子孫計者

非拙也所見者大也斯舉也而父所望以敦人倫裨世教夫何

欲吁成始易成終難范文正公迨今二百年矣魏國公迄

今五十餘年矣遺芳餘韻未歇也蔓厚德之根而封培之派詩

書之澤而演迤之世世子孫其無忘先烈景高名堯卿子兼名

水竹軒在白門元饒州路通判方沂別墅今廢

東湖先生故廬在白門元東湖先生方家居宅今廢

進士第在五都馬陽宋政和王辰進士郭亢居宅今廢

碧筠書舍在馬陽明政和縣典史郭斯屋別業今廢斯屋撰有碧筠書舍記

石麓樓在馬陽今廢郭斯屋石麓樓詩王京仙人十二樓獨子被

流我亦逃名脫塵鞅分甘身世同虛舟勿驚王母致鶴書乘風

卻作清都遊麻衣直叩虎豹關政恐不獲到瀛洲山間書樓別

既久夢繞石麓隨雲浮石麓丈人吾族父笑傲煙霞真自由月

夜吹笛夢桓伊秋風把釣思裴虬所歎非公無白髮誰能為我

迴青眸鑑湖吟客方雄飛赤松之伴前留侯今日何日重傾蓋

脫略世故如蟬蛸求仙不必慕攀天相逢林下皆真休金環玉

珮珊瑚鈎詩成煥燁樓上頭石麓

之匡可磨石直欲垂千秋

孫家溪市在五都

文惠先生宅在花山元徵士俞漢故宅文惠其私諡也今廢

進士第在六都直步明萬曆辛丑進士傅賓居宅今燬

遂敏齋在直步花畝山下乾隆癸酉舉人傅學沉讀書處今燬

水西梅屋在正七都福泉一名山麓明洪武辛亥進士趙仁別業

今廢

賓松亭在朱公湖中龜山

卽覆山

之巔趙仁捷南宮後歸隱所築有

龜山十詠詩今廢

中浦坊在正七都紫草隴卽宋之中浦里今圯其地猶名坊口

進士第在紫草隴宋咸淳辛未進士張素子德安太守定故居今

圯

進士第在紫草隴史家明崇禎癸未進士史繼鱗故居今廢

進士第在紫草隴傅家雍正庚戌進士傅學灝故居

姚梅伯故里在正七都姚公步道光甲午舉人姚燮祖居其祖始

徙居鎮海

拳香吟館在姚公埠諸生姚傳讀書處今燬

長瀾街市在附七都杭隴山麓

興賢坊在長瀾街明永樂癸卯舉人俞德昭建今圯

副將第在長瀾街卹贈副將湖廣掌印都司宣德仁居第市西有祠俗稱鄉賢祠

義安鄉

涇國故里在八都三塘明涇國公蔣貴故里

玉臺山房在杭烏山玉臺峰下明燕山右衛副千戶蔣愉偕其兄

忻讀書處今廢

文萃堂在八都山環蔣一鵬著書之室今圯

進士第在山環一鵬子康熙壬戌進士戶部郎中蔣遠居第今圯中和堂在正九都次隲宋乾道壬辰進土工部侍郎俞涇居第中和額朱子所題贈也今改爲祠

登第坊在次隲明宣德癸丑進士俞儻建今圯

迴隊里在附九都宋時立左有謝家隴亦稱皇墳隴相傳隴有宋
理宗謝皇后陵故名舊志載有后父謝若穆及孝宗皇后父謝
仲斌傳謂由四明遷居於此樓志引宋史而辨其非暨人是也
今里無居民惟餘社廟一所尚以迴隊稱焉

世科坊在附九都西隴口明洪武庚午舉人呂升子永樂癸卯舉
人呂公愿孫成化乙酉舉人呂詵建今圯

瀾菴在西隴口呂鴻緒讀書之室鴻緒患癩故顏其廬并自號焉

今廢嗚至憶癩菴詩蕉萃西山呂癩菴茂陵風雨
止圖南布衣不食陳因粟國計民瘼事事諸

拜郊臺浙江通志謂在義安大部二鄉之界吳越武肅王築案今
輿地義安在縣西大部在縣東中間尚隔長甯西安花山三鄉
之地二鄉並不毗界遺陞亦無可考姑附於義安之末

槩浦鄉

世進士第在十都上塘頭宋淳祐庚戌進士胡杲元泰定丁卯進

士胡一中明洪武庚戌進士胡澄居第今廢

經師故宅在上塘頭元松江路教授胡存道故居今廢

節相第在十都大路楊宋靖江軍節度使楊賢居第今廢

尚書第在十一都應店街宋兵部尚書應鎬居第今稱官房

顯志樓在應店街應汝愷妻俞氏築今圯

涉半壑在應店街應章夫建石作硯講學處

夫槩故里在十二都獨山亦作下
燾山

雅齋在十二都孟載五世孫性善讀書處今廢

柏樓在十二都明初諸生孟鋌為其守貞女蘊築今廢

貞女坊在十二都南泉嶺下為孟貞女建

靈泉鄉

御史第在十三都裏蔣村明河南道監察御史蔣文旭居第今廢

味菜軒在裏蔣村白沙山麓蔣文旭讀書處今廢

者必為人所甚好可好之甚者亦往往能生禍以病人酒味之美
美者也好之甚者小則有醜醬之失大則戕軀喪德以災其國
家牛羊魚鼈之類於食物為最珍然華元以羊羹不均至於取
怒而致敗鄭靈公不以龜羹分人而逆亂之禍因之以生是以
甘脆適口之故不之戒慎以飫飽亡其身者世常有之是豈非
有甚美必有甚惡之事乎夫惟其味淡薄初若無可喜者而世
自不能遺之飲者資之以析其醒食者資之以解其飢貴而人
珍九鼎之筵賤而椽茹藿歎之室莫不有待於味其物既不為
人所爭而其味和平清苦善除物之毒而不生疾以病人世之
名人賢士每懲厚味之腊毒而顧深嗜乎菜苦杜子美之於韭
薺陸龜蒙之於杞菊蘇子瞻之於蘆菹蔓菁皆見於詠歌而黃
魯直謂士大夫不可不知此味尤為篤論蓋貧賤者之所易得
則無踰分之思而求之不勞而心無愧此君子之所以有取於斯
安而用之也無愧身不勞而心無愧此君子之所以有取於斯
歟暨陽蔣子文旭以博士弟子高等選為監察御史其官貴顯
矣而其志清約廉謹以味菜名其所居夫為顯官而嗜菜其善
有三焉不溺於口腹之欲所以養身也安乎已所易致而不取
眾之所爭所以養德也推菜之味以及乎人俾富貴貧賤同享
其利而於物無所害所以養民也養身以養德養德以養民此
蔣子所以過於人也語有之曰人莫不飲食也鮮能知味也蔣

子於是乎
知味矣

柏樓在裏蔣村左珠寶嶺後麓蔣文旭墓側文旭聘妻孟貞女守
墓處以夫槩里有貞女柏樓故後人亦以此名之今圯

貞女坊在裏蔣村北爲孟貞女建

戚處士廬在十四都石蟹里唐處士戚高故居今廢

三層樓在十四都洩頂楊聖清爲其女守貞築今廢

藏綠莊在十四都土坪山北麓莊左一峰特秀卽五洩第一峰也

四山表延環繞如屏亦稱藏綠隴爲周氏族居山後有藏綠山

房諸生周陸堂家塾園竹庭花清曠幽雅階前桂兩株亦名雙

桂軒

滴露齋在藏綠山房之右四川南溪縣知縣周春溶讀書處

翰林第在藏綠山房之前道光庚子進士翰林院編修周炳鑑居

第

種石齋在藏綠山房前諸生春軒先生周本別業

陳石麟遊五洩宿種石齋中歸

別春軒諸昆季詩前生或是深山石種出山中一痕碧拂拂清風仙掌摩洽洽幽韻龍湫滌長松古藤繚繞之至今猿鳥猶相識十年夢想五洩山種石齋話三生綠朝覽七十二峯勝暮就第一峰下眠此人皆仙乎仙惜我未拍洪厓肩白雲滿嶺客自去泉水出山留不住他年漁郎重問津笑入桃源逢故人

學生進士第在翰林第前偏同治癸亥進士周紹達辛未進士周紹

適兄弟舊第

紫桐花館在第一峰南馬鞍山麓山西署潞安府知府周惺然填

詞之室

周惺然自題紫桐花西填詞屋圖摸魚子詞者亭亭幾

况供跌宕任打疊柔情不斷如春漲逗煙薇帳漸紫纈霏香雲
轉夕悄么鳳蕪愁颺花源窈何處虬慊珠觴樊川終是疏放脩
然啟事趨青瑣尊畔閒敲人兩箏合唱只悄聽臨風短笛
黃壚漾鏡絲量丈賸牢落天涯畫鸞簫伴描个小红樣

進士第在土坪山東麓泉莊阪道光丙戌進士周栻居第後遷居

嘉興

南兩山房在泉莊版進士第後周炳鑑藏書處

御史坊在十四都上朱明湖廣道監察御史戚文鳴建今圯

雲卧山房在十五都馬家陽馬以智馬以恭兄弟聯吟之室

辛覺園在雲卧山房後馬以智家園中有讀書樓顏曰晚泊今廢

進士第在十五都藍田道光癸巳進士金樹本同治戊辰進士金

兆基居第

草埠市在十六都舊屬南屏鎮

臨安故里在草埠宋宗室襲封臨安郡王趙師恪舊居

蕁塘居在草埠諸生趙裕著書處

進士第在草埠道光辛丑進士趙樾居第

淑貞夫人廬墓處在靈泉鄉溫泉村元張英妻莊氏築事詳列女

傳

諸山鄉

進士第在十七都楊家澗明萬曆己未進士楊肇泰居宅中有福持堂今廢

存園在楊家澗楊學泗著書處今圯

觀察第在存園前學泗子山東兗沂河道楊三炯居第

醉春草堂在楊家澗乾隆辛卯舉人楊垂別業

楊孝子故宅在楊家澗天元塔後孝子楊宗暉居此今改爲孝子

祠

白鹿山房在十九都清潭白鹿山麓明白鹿生楊恆隱居之所今廢

同山鄉

南源莊在二十都日入柱山麓水出柱南者為南源出柱西者為

西源

慈暉樓在南源莊邊朝京奉母處學政周海山先生以清節慈暉

額旌其門遂以名樓

遷朝京慈暉樓詩七章南山有烏辛勤翼

體南山有烏哺雛辛苦子兮號寒心之憂矣母也縫衣足温我

鼓南山有烏引子高鶩子兮廢學涕泣連連擇鄰而居一歲三

遷南山有烏終日營巢居子一室琴書逍遙既稱樂土復歌樂

郊樂郊樂土爰得我所母氏慈愛皇天與伍每念及之痛徹肺

腑羊知跪乳烏思反哺彼羊與烏尚無缺誤人而不如何足齒

數既無奇勳足以顯親譜之聲詩以代鼎銘百爾君子惠我好

音

唐仁莊在邊村東北東青山下為壽氏聚落

總鎮第在唐仁莊明季總兵壽允昌故宅今廢

靜觀在總鎮第側壽允昌別業今廢

高城市在許宅東北鐘山嶺下

世節堂在二十一都古竹村王德昭妻壽氏子廷昌妻周氏孫大觀妻邊氏三世守節因名其室

黃藤市在五指山西南青塘之南

長浦鄉

進士坊在二十三都布穀嶺下豐江莊明隆慶戊辰進士周繼夏建

周貞女故居在豐江村貞女周齡保母家

徐刺史故宅在豐江東北牌軒下明道州知州徐琦舊居

亞魁坊在刺史宅前明永樂丁卯舉人徐琦建今圯

水霞莊在牌軒下東南卽古興樂里宋京闈解元張自良自南湖徙居於此

唼山故宅在水霞莊明處士張一龍舊居

六世同居在水霞莊張建轅建範兄弟居室

通源先生故居在水霞莊歲貢生張廉舊宅

宣何鎮在二十四都

忠孝第在宣何鎮宋忠臣何雲及子嵩故居

安華市在宣何南安華鎮

超越鄉

南湖莊在二十五都張許宋國子監司業張澡故里今為何姓聚

落

長潭街在張許莊東北長潭步

越山亭在長潭街東越山麓俗名三越亭

王鍊師丹室在越山亭西北石鼓山唐王鍊師鍊丹處山下有村

曰石鼓頭舊志謂在縣南五十里者誤

秦系期王鍊師詩黃精蒸罷洗瓊杯林下蹤留

石上苔昨日圍碁未終
局且乘白鶴下山來

句踐棲迹在二十六都句乘山麓相傳爲句踐棲妻子處今無所考

句無亭在句乘山東萬厯府志國語曰句踐之地南至句無注今諸暨有句無亭浙江通志句乘山南舊有句無亭案句無亭在句乘山東北通志以爲在山南者誤

句無山樵故居在句乘山麓元逸民宋汝章舊宅汝章自號句無山樵今廢

魚梁書屋在正二十七都風儀樓其屋梁爲魚骨大盈拱堂中有明山陰祁占祥彘佳所書隱豹留鴻額故亦名豹隱書屋庭前有牡丹長數丈相傳爲明時所植

樓孝子故居在魚梁書屋南孝子樓墨林舊宅

虛白室在鳳儀樓乾隆庚辰舉人樓卜瀼故宅

忠孝亭在鳳儀樓獅子山北孝子樓墨林及其弟永叔殉父難處里人爲立碑山麓覆以亭四柱皆石俗稱爲忠孝碑亭

越世子迎句踐處在附二十七都洪浦江邊相傳越王句踐棲隱於句乘山其世子迎駕江邊故名其橋曰千秋萬歲今萬歲橋已圯千秋橋猶存橋東有千秋菴

天稠鄉

王家井市在二十八都臨江有道南書院

進士第在王家井西南光緒甲午進士樓守愚居室

大研石村在進士第西北爲小研石村二村皆有石在江中狀如研故名宋呂祖謙入越錄五里寒熱阪五里宿研石村

排頭鎮在二十九都斗子巖下爲婺越通衢鎮東有同文書院

井亭在王旭西北平闊村元封邱縣尹張宿自超越鄉遷居平闊
築亭於井榦之上故名

點花堂在井亭後明崇禎癸酉舉人張夜光讀書之堂

登科坊在平闊村明景泰庚午舉人張肅建今圯

鎮軍第在平闊西北顧家護理福建陸路提督副將總兵銜顧飛

熊故宅

陳烈婦故居在附三十都鯉魚橋陳曜妻王氏居室今廢

金興鄉

荻竹廬在三十一都巖下孝子趙泰廬墓處今圯

蕙渚里在三十二都翁家埂宋時立元季翁思學居此自號蕙渚

處士花木之勝詩酒之樂一時稱盛諸文士曾分十二題以詠

其事

陳嘉謨蕙渚翁處士十二詠記蕙渚爲翁氏之樂土翁氏爲蕙渚之著姓其來也遠矣景顏翁年幾七十與渚旁父

兄子弟脩先處士業有恩以相孚有禮以相維或遇歲歉常視
 他境得為豐或受兵鋒又視他境得為全其父兄子弟之甚愛
 於翁也親若骨肉宜矣余嘗慕翁之為人其言曰人生秀且靈
 不窮經為士則荷篠為農矣家有讀書聲有機杼聲有築圃聲
 有嬰兒聲自可以擬封君昔范大夫霸越後遂輕裝與子去耕
 定陶諸葛武侯辭蜀時遂上表遣子歸耕成都轆轤之縷可斷
 幹澣浚之流可穿石三公賢於為宰相者良弓之藏知造物之
 忌太盛也翁今不懷人之祿止其所止得陂陀之漫衍者於燕
 居前後繞屋種梅滿沼移蓮松森竹挺使虛而入於耳者一醉
 一醒一夢而覺自然天籟洽洽朝夕此雖樂靜者之所甘視二
 公位尊功大欲如此而不可得翁之先幾出於意表者矣自邑
 羅兵僥仰之間為陳迹形骸之外為妄境及避兵來歸有若翁
 之鬪子德光楚蕙伯仲閒珠輝玉映浸漬夙聞或溫風解凍梅
 屋之琴一曲或南風生涼荷亭之雨數點露下而松聲起鶴雪
 深而竹色暹人四運之鼓動所稱入乎耳者略不減疇昔之餘
 韻翁前之有所教後之有所效尤可愛也華髮交頷龐眉垂睫
 清旁之壯者老幼者壯者春郊簫鼓秋社雞豚與夫鐙前之卷花
 下之機牆外之杵掌上之珠以爲從容娛老又未可量夫富貴
 者人之所共願者也善用造化者猶染指嘗鼉鼎獲異味矣更
 求其全是無厭也翁寬厚簡潔脩先處士業不失尺寸足於已
 者無遐思淑於後者無過望禮義之澤子肯其父孫似其祖使
 百世之下想慕風采或來者且登堂而式曰此翁氏之蕙渚不
 既甚美矣乎士大夫皆樂之為題十二詠賦詩不拘
 律題之者同里張辰字彥輝記之者穎安陳嘉謨也

街亭市在三十四都

賓山堂在浮塘孝子趙璧所居今圯

趙璧賓山堂詩我以山為賓山以我為主六逸隱徂徠青

山豈相拒

良山草堂在賓山堂後趙璧讀書處中有雪廬今竝圯

旋元堂在浮塘趙璧族子開伯建又有紹衣堂各貯穀以賙族人

今竝廢

梁武帝讀書室在附三十四都光山下浙江通志云梁武帝讀書

堂在諸暨縣永福寺有硯水井萬曆府志則謂梁武蘭陵人生

於秣陵其讀書於暨尙未有考云案宋華鎮詩六龍未入雍州

日曾負詩書臥白雲蓋詠此也今寺尙存堂與井無可考

龍山莊在老龍頭歲貢兩齋先生胡序故里

龍泉鄉

嘯客堂在三十五都巢句山麓明含山縣知縣朱長庚新居今廢

守梅山房在梅嶺諸生傅岱課其子振海振湘讀書處德清俞樾

書額俞樾梅嶺課子圖詩白雪嬌兒白髮翁梅花嶺畔舊儒宮

卷青編手澤存留得范家遺硯在不惟傳子又傳孫譚廷獻梅

嶺課子圖詩古賢遺孫子有書鑿楹藏何如親講授昭質發文

章青山養橋梓俯仰倚成行絃詩韻春風庭草自然芳竭來泉

魚淚撫樹哀未忘毋忘此庭聞日月引以長孩提我鮮民失學

愧老蒼家法叩微言名山有輝光

璜山市在三十六都見舊志

申屠氏故里在屠家鳴元稽山書院山長申屠震居此

王順伯故里在姚王村宋直寶文閣王厚之居此今里中皆其子

姓姚令威故里在姚王村宋樞密院編修姚寬居此今里中皆其子

姓姚王二村上下鄰毗蓋以姓得名焉

碧蓮堂在鍾山永慶寺內舊有楊次公飛白書見書史今無訪

開化鄉

五鳳樓在三十八都航村明建安王孫女和溪郡主下嫁宗人府

儀賓蔡堯中時所建今圯

望雲思親廬在五指山南鳴元季孔天澤奉母隱居於此後人為

題其廬今廢駱象賢望雲思親詞為孔天澤作雲之出兮太空

通陟彼岵兮天風凝愁結隕兮馬鬣之封邇車太行兮延佇盼

慈幃兮龍鍾杳遐征兮何所渺上下兮何從時育志兮從龍弓

旌禮徵兮奮庸款闔闔兮朝帝宮五色兮絢爛仙掌兮芙蓉早

作霖雨兮年豐袞衣有闕兮彌縫何彼幽人逸士閒淡從容冥

棲巖穴結巢長松山川寥曠兮南北兩輪出沒兮西東慨流光

兮迅速悵險巖兮疊重堯明娟兮眉目甯肺腑兮始終篤志養

兮純孝滌寸丹兮竭忠覽天章兮河漢錫爾類兮褒崇蕩元開

兮縹緲澤斯溥兮恩濃天高地厚兮無愧無怍寒暑於懷兮往

窮來曷

開遠伯第在後村明封開遠伯左都督吳凱居第今圯

者望方宅志

鎮軍第在西演村

今名陳宅

副將銜雲南提標右營遊擊陳大定居宅

大田里在大羅阪唐文簡先生吳翥子蓋居此今為呂氏族居

文簡先生故宅在千歲山下即今延壽寺先生由山陰利樂村隱

居於此後孫少邾奏改為溪山書院七世孫世瑄又捨為寺額

曰延慶

漢甯縣舊治在四十都大門嘉泰會稽志云漢獻帝興平二年分

諸暨大門村為漢甯縣吳改吳甯縣今大門里或即其地案大

門宋里今為村落屏牆猶在一說謂吳越時曾設營汛於此故

屏牆存焉

張孝子廬在西山孝子張瑞虬廬墓之所今廢

孝義鄉

陳蔡市在四十一都黃竹尖之陰

賈孝子故里在陳蔡劉宋孝子賈恩居此今鄉人祀為社神

望煙樓在城山坪亦稱鼓坪宋贈衛尉少卿黃振建振每日登樓望村

中有未舉炊者往送之糧鄉人德之因名即黃氏藏書樓也今

廢陽時望煙樓記紹興四年六月二十五日詣行在還過諸暨

棟窗牖四啟山川風物之美俯在衽席願而樂焉諸昆從遠巡

起拱而進曰此曾大父藏書樓曾大父以衛尉少卿老於鄉歲

歉存問振瞻嗣以為常慮難周也每登樓斯夕望焉未舉火者

遺之粟寒者遺之衣里之人日日望煙請題之以紀先志余惟

富有四海貴為天子猶或不能施於黎庶以士大夫行之不要

譽不市恩相忘於無知無識之天垂百年善人之澤當復何如

夫世之為樓觀者不曰望春望月則曰望雲望岳山川景物而

外烏觀所謂洞寮在念者今君家累世承之內外襄之非仁義

充積於中曷克臻此仁人君子觀斯樓

知斯義上下千古誰斯樓黃氏有焉

仁壽莊在望煙樓側黃振妻仁壽夫人劉氏建今廢蘇伯衡仁壽

者宋衛尉少卿黃公夫人劉以簽貴置義田振其鄉之貧乏者

明道閒早公在田里睹井邑皇皇日不能為天下計甯不能為

一鄉慮耶遂悉家貲首宗族次閭里鄉人荷其賜感愧不敢告

公知乃於樓頭視煙之有無施給以時歲以為常復慮非經久

垂後之圖夫人體公意盡斥簏囊襄置義田命子孫歲收其入無遠近咸餉焉迨後滄桑多故寢不可問公九世孫新釐復之新之孫文明者制為規約長幼有籍給與有時多寡有則勒之貞石屬余記余謂自宋迄今族屬姻黨沐夫人之德四百年視世之殖私門營華臚或悉索征求以奉上而窮約困躓飢寒溝壑者漠不動念甚又擠之轉瞬而同歸於盡孰得孰失昔文正公謀置義田久之始遂厥志王公將相猶難焉夫人內成公德而行之不少靳子孫守之無或替後之人當更有聞而興起者矣莊在暨陽之阪而稱以仁壽者何置自夫人稱之以封邑云

比部宅在五桂里今名茅店宋比部員外郎黃宋卿居宅今廢

諫議第在茅店宋左諫議大夫黃晉卿居第今廢

太師第在茅店宋熙甯丙辰進士贈太師黃彥居第今廢

雙桂坊在茅店宋元符庚辰進士黃無隱日新兄弟建今圯

世進士第在茅店宋紹興王子進士黃嘉禮慶元丙辰進士黃伸

居第今廢

讓君宅在茅店比部子黃庠居室今廢

大夫第在茅店宋廣西提刑贈正奉大夫黃渥居第今廢

開府第在茅店宋贈開府儀同三司浦江縣令黃汝楫居第今廢

五桂坊在茅店宋紹興甲戌進士開閣閣庚辰進士聞乾道己丑

進士聞建今圯

拙菴在茅店宋海鹽縣令黃聞別業今廢

芝堂在茅店宋秘書丞黃聞別業今廢

黃必先丙舍在四十二都筆架山東麓宋崇安縣令黃開歸田後

所築

宋孝宗賜黃開歸第詩不德作民主賢良在朕旁普天夫
子鐸仙籍桂花香昔日燕山寶今朝浣水黃雁行常不亂

衣錦好
還鄉

考亭朱子在慶元黨禁時嘗過訪之今廢

漕門坊在四十三都上林里宋桐廬縣主簿斯汝霖於紹興五年

輸粟助餉奉敕建今圯

筆峰書屋在松嘯灣之麓襟山帶水曲折幽邃門前曲池紅蓮盈

取夾路皆植紅白杜鵑月季玫瑰桃杏梅柳燦爛如錦山上雜種松竹中有三層樓朝揖五老峰又有小池水從石龍吻中噴出林泉之勝甲於一邑

柏氏樓在柏樹頭劉宋賈孝子妻柏氏所居今廢

折臂生宅在下吳宅元吳叔本深居宅今廢甲屠戮折臂生跋三折肱者醫之良疾解

腕者土之壯也失小而存大焉宋之行義免於盲塞翁之子免於跛禍也而福存焉雖然生之失非肱也亦非腕也其殆所謂福手者乎古人以手足喻兄弟而生中年喪其兄失手之兆見於此矣是造物者之不全其枝也於生何尤焉

晚香亭在四十四都流子里元陳大倫當元季兵興遯流

子依義士吳宗元以老於長谷中臨流築亭取黃花晚節之義

與賓客嘯詠其中今廢

高元聚慶堂在流子里元筠西義士吳宗元宅宗元五世同居一

門雍陸虎髯生銓司封郎鉞孝孫鉅皆其孫行也繪有高元聚

慶圖因以名堂

錢宰高元聚慶圖跋毛琬自句無歸謂余曰琬

嘗造之值其元孫璠碎日高堂開燕琬得觀其家慶焉老人年

幾九十燕坐堂上龐眉皓首若綺夏然諸子亦皆垂白方下堂

作嬰兒戲其孫曾咸序列於左右拱視無諱惟一姆劔小兒立

老人側老人顧兒撫其頂見亦以手掀老人髯回顧堂下絲舞

躍躍姆抱欲下與之戲焉蓋其元孫璠也坐客之好事者繪為

圖命曰高元聚慶請題其後以傳盛事余惟人之克享上壽子

孫衆多家般盛而人康強亦天下之至慶也非好德樂善何能

致之世之人能享子若孫之奉矣鮮及見其曾孫也况元孫乎

能承父若祖之訓矣鮮逮事其曾祖也况高祖乎今吳氏五世

之慶萃於一門身享壽康家用完美垂白之子與諸孫曾元嬉

戲膝下慈嚴愛敬雍睦於一堂之上余未識吳氏聞琬言若是

其亦樂善好施之驗與易曰積善之家必有余慶後吳氏者勉

焉胡混高元聚慶圖詩筠西先生九十翁眉如松雪顏如童高

年杖履誰適從南山老人衣巾同蒼山盤盤太白東下有翠筠

踰百冬翠筠之西樓閣重先生皓首居其中眼明不識煙霞蒙

獼猴呼羣山果紅鸛鶴養子巢青松朱弦洽洽落飛淙畫屏一

一開奇峰山花當筵春正濃薔薇露壓琉璃鍾聚慶之樂樂何

窮坐中張辰世儒宗孝子合齋文章公為君倒瀉錦繡胸大書

特書成卷筒一時文人能爭雄吐言便欲資觀風膝前諸孫皆

美容阿銓鐵髯氣最充曾元蟄蟄宜負蝨五世之澤在爾躬斬

此時東望青芙蓉南極耿耿懸晴空德星聚處良會逢我不可
去徒深衷長歌浩浩漸離蟲我歌願與青天通東帛早晚來使
驄會見此屋盡可封
天下從此陶時雍

筠西閣在高元聚慶堂側吳宗元建今廢陳大倫筠西閣長歌行

種竹溪上住子猷去矣溪山空後來愛者誰與同延陵之裔有
此公乃能千載追其風好山繞屋如城郭滿山種竹猶不惡翠
氣如煙寒漠漠此公八十餘遂作筠西閣簾櫳細煙霧几席翻
香籜擬仙窟之清真掃塵勞之喧濁憑軒應接日不暇古來信
有揚州鶴我嘗到其間但覺風飄蕭赤曦過柳無炎歊七賢六
逸在何處便欲折簡頻相招抱琴載酒同遊遨新裘被紫雲短
髮吹輕雪孤南老人自與常星別二十八宿光彩炯炯連兩闕
春風滿天地長洲茂苑青雲熱申白既微黃綺竝出蒲輪一雨
靈壽九節公不行兮夷猶悄空山而愁絕況乎芝草翻翻蘭芽
秀茁紫花實兮鳳不飢玉筍班兮鶴就列此公溢喜洞簫數闕
音響如縷重霄上徹我亦醉起舞為
公和之歌激烈萬壑秋聲動山月

宋文憲寓齋在高元聚慶堂後元季兵興宋濂借義門鄭彥貞昆

季避兵於此吳仲陽舍之於家今廢濂又寓陳堂家西穆

雲泉丙舍在流子里元大理路儒學教授吳庸築今廢韓性雲泉
銘水冠五

行一生六成曰雲曰泉同體異名在蒙之貞在屯之悔其流之殊卦有內外山下之泉其流涓涓果行育德君子則焉潤下者質騰上者氣在上經綸雖屯必濟繇下達上雲泉之機我作斯銘以顯其微柯九思贈雲泉生詩白雲滿山谷飛泉流其間俯以洗我耳仰以怡心顏溫觴其滔滔不見江漢還鞭笞土龍死遲彼霓望艱如何幽人貞依舊霜漚間

林壑清輝在流子里白鳳山下元徵士吳鏊別業草廬先生張辰

署此四字中分八景曰蒼蘚壁曰白雲磴曰慈竹窠曰茯苓窟

曰洗耳泉曰釣雪磯曰伏龍潭曰浴鷺沙諸名士題詠成軸詩

酒流連極一時之盛今廢陳大倫林壑清輝詩并序白鳳山中吳徵士仲陽甫於所居之西偏得覽

游勝絕之所凡若干弓遂築室凡若干楹以避風雨友人彥暉張君請以林壑清輝之名署之且為之記仍以八景為八題命賓客之能賦詩者賦詩以落之凡得若干首萃為一卷余不敏凡賦詩一十二首贅於卷尾前四首以贈徵士後八首如題之名庶俾來者得以觀覽焉蔥龍得樹林清淺帶溪壑石路盤縈迴松亭綴巖嵒延陵公子吳仲陽今日坐此幽興長前有尊酒且為樂山鳥歌舞山花香茲懷近鹿豕美德比鸞鳳誰云假棲遲乃若虛藏用君雖好治生富養事耕種依山石作梯傍石雲為洞追尋實自己宴樂已從眾分題及鄙夫賦什足歡誦賓客相往還慎勿倦迎送鹿門有龐公霸陵有梁鴻每觀高士傳誰

得追其蹤今君相髮髯伯仲仍相從綠蘿挂皓月丹壑生清風
 蒼蘚壁蒼蒼石雨壁錦苔皆五色上有女蘿枝白露如珠滴
 珠滴滴還若何紫芝滿地春風多令人卻憶商山歌白雲登人
 言白雲靜且閒儂言白雲辛且苦天風吹來石磴寒又欲從龍
 作霖雨懸竹窠華樓前有此君一窠新翠若團雲即今根節
 渾相似石上盤陀不可分茯苓窟翦翦以松樹枝懸虛若青蓋荷
 鋤者誰子翻雲得靈異盤根龜與蛇足以濟當世當世何為然
 東南不可言夔龍因欲死望斷蒼梧煙洗耳泉清一寶泉脈
 脈連滄海細響實可聽俗器信如洗山雞忽飛來不敢照光彩
 釣雪磯雪滿陽雪滿山中有溪水何潺湲屹然一磯石可坐復
 可盤有人為我持釣竿楊花撩亂生曉寒伏龍潭神物不自神
 甘守鯁蟹窟風雨洗天來始知自神物嗟哉神物有時蟠石潭
 千尺秋波寒浴鷺沙白鷺白如雪戲浴寒灘淺寒灘水自流白
 鷺青雲遠程如晦蒼蘚壁石勢卓於壁苔痕圓比錢綠含溪上
 路幽入洞中天欲覓丹梯步苦遭塵累牽雲根散涼氣毛骨竟
 蕭然白雲澄片片無根物悠悠林下歸清風漫招引白日自相
 依不作催詩雨常黏坐客衣須臾態百出縹緲復依稀竹窠
 芟夷榴鬚盡慈竹翠婆娑冉冉春陰覆蕭蕭秋意多主人攜簞
 入客子問盟過愛好消煩促夕陽將奈何茯苓窟牽絲朝露重
 千歲茯苓神藏蒼蘚碧雲合靈根白雪香為君暫徜徉抱朴厭羣
 芳倘寄楊員外惟煩杜草堂洗耳泉寒潭何瑩澈迎露玉壺秋
 顛倒空青出微茫溼翠浮習池何足擬穎水合同流怵迫無休
 者塵蒙愧此游高低山亂擁東北水交流獨繭絲綸在吾儕此引
 黃魚同隊游高低山亂擁東北水交流獨繭絲綸在吾儕此引

鉤伏龍潭天用無如爾韜光向此容人情憐自負雲氣失相從
領下珠還在胡僧鉢漫逢時來當用汝霖雨濟年凶浴鷺沙白
鳳山之下激溪一鑑開盤渦不相似羣鷺故能來雪
色依葭葦寒衣隱洑洄宛邱思舞翻浩蕩尙忘迴

虎髯生隱居在白鳳山下元吳銓棲遯之所今廢

貞女樓在流子里諸生吳鷹河聘妻章氏守貞歸吳髮匪入里閉
戶獨居賊毀其戶不能入遠近異之事詳列女傳

別駕故宅在崇化里琴絃岡宋温州府別駕石孝武由沃洲迎娶
暨東歸過琴絃岡愛其山原平曠四面峰巒獻奇罷官後遂徙
居焉今名石家宅

臥雲山房在琴絃岡舉人吳忠懷丙舍會稽王繼香書額并跋

姜村市在小鼓坪下姜村阪相傳宋元時市集在此今廢

孔隱士故居在孝義山中元季孔明允隱居之所今廢

褚伯玉隱居在東白山孔靈符會稽記云劉宋時褚伯玉隱居東

白山作嘯猿亭

宋釋仲皎嘯猿亭聽猿詩放意在雲表飄然更自由掛煙羣木冷號月一山秋裊裊清風裏淒淒

淒碧澗頭三聲融

疏山軒

仲皎疏山軒詩竹外泉聲急松心又妙聽行客若為愁

立東西二禪師道場

仲皎東西二道場詩勝境東西白高僧一

照林花落自妍披雲

齊雲閣

仲皎齊雲閣詩山雲吹斷路頭開尋舊址猶在絳峰邊

落笑談容

今竝無訪

易作風雷

花亭鄉

徵君宅在四十五都兼溪元辟本路教授申屠澂故居今廢其子

姓亦他徙

周義士宅在大林明周國琳故居今廢

蕉城忠孝第在大林明署新會縣知縣周于德及子長壽居室

五鳳草堂在大林五鳳嶺下諸生周二監書室

周二監五鳳草堂詩丹山鳳為羽族

雄軒軒大翻排蒼穹天風吹墮龍泉里陡化五朵青芙蓉我家草堂居其麓五鳳成形宛在目一峰翥舉傍層雲一峰迴翔下

深谷旁列兩峰更超邁低昂展翅遙相逐最後一峰疑鳳雛峰
峰蔽翼如卵育其餘巖壑百十隊依稀衆鳥咸雌伏仙人碧簫
雲際來四山響應天門開我欲躡登紫霞上暮遊璇室朝瑤臺
自顧此身少仙骨終恐墮落歸塵埃鳳兮鳳兮知感召應尋梧
竹山之隈棲其所棲食所食奉奉萋萋聞雛啾相彼嬰鳴尚
求友何況百鳥之靈魁終朝拄杖看山色翼干五彩長徘徊

申屠氏故里在四十五都鬧橋元歛縣教諭申屠性居此今滅雙
姓爲屠氏如白屠陽下屠等村皆其子姓所居而鬧橋居民皆

周氏矣

周接三故宅在四十六都水口雍正丙午舉人周晉故居

金竹山房在五竈女史張玉汝吟詩之室

澧浦市在正四十七都鎮東有翊志書院

東軒在正四十七都島橋江山縣訓導崇祀鄉賢蔡英書室

廊下里在附四十七都黃汝楫六世孫新居此

進士第在廊下宋嘉定戊辰進士知泰安軍黃篋居第今廢

進士第在廊下宋嘉定甲戌進士知南雄州黃應龍居第今廢

軍府第在廊下宋知襄陽府襄陽軍黃叔溫居第今廢

進士第在廊下宋淳祐庚戌進士黃雷居第今廢



諸暨縣志卷四十二

坊宅志第二

長甯鄉

宋統制王琳潼川太守王文炳故宅在五十都小溪嶺北後捨為

慈光寺

郝山村在櫟橋江東岸自潼川太守王文炳捨小溪山宅子孫散

處山農先生曾祖遷居郝山下山農生長於斯晚年始隱居九

里山今山下居民亦姓王然非先生本支矣

郭毓郝山行我家門前小山陞煮石

山農產於此去今四百五十年其人則遠詩不死風雅能追李
杜源雄奇直入韓蘇壘大江南北人所宗鄉里誰知敬桑梓者
香王君向子謀數年蒐訪重瑀鏤遺編蠹簡勤補葺鮮新紙墨
清雙眸我為覆校魯魚字落葉歸淨桐風秋誣傳欲削金華宋
大序補刊青田劉今朝重過郝山下山農故宅無片瓦牛宮豕
圈繞民居野廟神叢傳古社蒼松天矯老龍形疑是當年手種
者高歌白石飯牛詩
霹靂一聲眾山啞

紫石山房在郭店詩人郭毓書室今廢

明廣東布政使司參議周文煥故宅在洞村今廢

心一堂在霞溪莊歲貢生魏家駒故宅

廬南書屋在藉隴諸生魏夏故宅今廢

大部鄉

大部街在五十一都五顯橋東去橋二十餘丈爲楓橋南市大部

鄉界止於此街

橋下街自大部街至五顯橋計二十餘丈爲楓橋中市

橋上街在五顯橋西爲楓橋西市楓橋鎮跨大部長阜二鄉橋右

社廟舊題爲兩鄉古社

京闈進士坊在橋上街西北明成化庚子舉人鄭欽建今圯俗稱

其地爲鄭家阪曰鄭家阪

鄭別駕故宅明潁州州判鄭天駿舊居鄭氏自天駿祖琮遷楓橋市西子和徙市中天駿徙烏笄山陰後和從弟澧州知州鄭欽亦遷居楓橋始別稱天駿所構室爲舊鄭云

水竹居在別駕故宅內海康縣知縣鄭之士建今廢鄭之士水竹居即事詩逐

迹林泉識者稱茶煙長護綠蘿衣好山禪翠橫吟榻流水分藍上釣磯三徑秋風籬菊老一庭春雨石苔肥晚來蹋徧溪南路招得孤雲作伴歸

南溟草堂在水竹居北明弋陽縣知縣鄭天鵬故宅今廢

進士坊在鄭家阪西孔村康熙丙戌進士孔豸建今廢

冷水里在孔村南俗傳爲楊相公儼故里

畸園在五顯橋西橋上街西南翰林院編修陳適聲家園湘陰左

孝同篆額

帶山草堂在畸園以堂對烏帶山故名仁和高邕書額

授經堂在帶山草堂北德清俞樾書額并跋武強賀濤譔記

授經

堂記古者書用竹帛流播為難楮帛稍省易矣而述作日益繁
 操觚者猶艱於從事故韓起觀書於魯然後知周禮漢東平王
 求諸子太史公書於京師而不能得唐時求訪一書猶或遲之
 數十年始得一見而史志及諸家所纂目錄由今考之無其書
 者強半其難得而易亡如此自錢板之法行流行者博易於求
 取而時勢遷貿數百年舊物蓋無幾存國朝崇尚文學詔
 求遺書校刊宣布而魁儒碩學乃益討訪珍秘拾闕掇殘所考
 定皆號稱精絕乾嘉之際文學可謂極盛而吳越為人文淵藪
 通儒輩起輝蔚東南頌四庫書於揚州鎮江杭州以瞻多士其
 時海內富安爭相慕效搜奇詫博習而成風藏書之富為四方
 所不及自粵賊躪轢江浙十餘年間荐紳轉徙百物灰燼而書
 籍亦遂盪無留遺大難既平諸行省設局刊書學者頗修復舊
 業而鄉時所稱精本已不可多觀其宋元舊刊則益更索無所
 尊之為彝鼎而曠世未必一遇也諸賢陳蓉曙編修勉學嗜古
 孜孜如不及其先世當明萬歷時有官左布政使者聚書數萬
 卷構七章菴皮藏其中當時宿學皆借書其家為之點勘其孫
 章侯國初隱於禪世稱老蓮先生著有寶綸堂詩文集康熙
 初所居廬殿於火而七章菴之書多亡蓉曙之父購輯殘書纔
 得數千卷築授經堂冀復舊藏遂繪授經圖課子於堂徵時賢
 題詠士林盛傳其事粵匪之亂東南騷動陳氏獨安居講誦於
 堂弗輟余小頗觀察賦詩稱之而堂與書又卒毀於兵蓉曙少
 以文名大吏爭迎聘以其所得作室以積書復得萬餘卷俞曲

園先生以舊名題之而堂復興蓉曙雖官京師而所謂授經堂者刻不能忘嘗願罷官旋里讀書堂中以無失先志迫於人事而未果也輒用自恨濤既得觀授經圖讀諸公題詠慨焉慕之蓉曙為詳述其事且曰子為我記其本末將鐫之堂壁以志吾恨而視吾子孫吾感蓉曙之能復故業因推古今世運之變以見書之易散而難聚其力能聚之者固宜搜輯而愛護之矣然古人得書之難十百後人而後人之學乃遠不逮古人則又以知學問之事精專是務其博收兼取以富蓄藏者蓋猶未足貴也吾曾王父購書十餘萬卷其後歲有所增今幾百年書固無恙濤所遭視蓉曙為較幸然蓉曙之學得於古者已深濤猶茫乎未有聞見蓉曙引以為恨益足徵其好古之誠而濤所自幸乃其所可愧者歟光緒十九年六月武強賀濤記 適聲

父鎮海縣學教諭陳烈新繪有授經圖德清俞樾全椒薛時雨

同邑余坤皆有題詩俞樾題詩佳兒舉舉乍趨庭便解書囊自

秋風喜聽鹿鳴三此後因添蔗境甘更比太邱家法好將來卿長兩無懶繪取傳經一幅圖丹山老鳳此攜雛留貽畢竟青箱富為問金籙得似無西湖精舍共論文平議粗疏未足云竊願執經同講習大桓君與小桓君薛時雨題詩蘭玉當階秀出羣傳家事業最清芬楹書足抵贏金富官冷休嗤鄭廣文解組重看作腐儒一瓊老我住西湖景升自愧非名士豚犬兒郎邁迹無余坤題詩擁旄橫玉半屠沽共笑傳經事業迂誰識黃巾能下拜當年只有鄭公廬世味鹹酸我飽嘗願君寄語勸諸郎讀

書莫謾希青紫識
字耕田味最長

汎齋在授經堂東長沙曹廣權書額錢塘吳慶坻跋

潛廬在授經堂西長沙曹廣權書額

拜王揖楊之樓在帶山草堂上適聲自書額

十蓮室在東樓長沙曹廣權書額并跋

向月寮在西樓常熟翁同龢書額適聲跋

蔬香樓在授經堂北

饒耕堂在蔬香樓下順德李文田書額

學蘇齋在饒耕堂西錢塘孫詒經書額

圖圖室在饒耕堂東歸安陳允升書額并跋

思尊堂在饒耕堂東適聲自書額并跋

聽雪軒在思尊堂旁黟縣程恩澤篆額

晦木堂在饒耕堂西適聲自書額并跋

紫石山房在晦木堂南天津徐世昌書額

雙紅豆館在紫石山房旁侯官伊立勳篆額適聲跋

讀未央文字之室在雙紅豆館上吳縣潘祖蔭書額

扶蔬草堂在思尊堂南黟縣程恩澤篆額

野史亭在扶蔬草堂北仁和陳豪書額并跋

萃華軒在崎園南明溪園居士駱象賢命其子秬建今改為秬家

祠徐渭題萃華軒卷詩楓橋先輩有風流玉軸文池鎮綺樓山

綾半織虬俗眼燈前從
水大觀凡八詠人家喬木幾千秋黃絲暗縫偏游蠹白雪吳
古忌賢孫隨處好藏收

孝感里在五十二都孝感山下唐孝子張萬和故里有孝子祠孝

子墓為萬和及其弟萬程子孝祥廬墓處故俗名廬墓西有獅

子巖山山下有芝泉

儒林第在孝感里宋八行上舍張堅舊居今廢

三進士第在孝感里宋熙甯癸丑進士張鎮涓祐丁未進士張雷

發咸涓乙丑進士張翼舊居今廢

翼雷發姪也

進士坊在孝感里宋熙甯癸丑進士張鎮建今廢

草廬在孝感里明紹興府學訓導張辰故居學者稱為草廬先生

今廢

會魁第在孝感里明永樂甲辰進士胡瓘故宅今遺址尚在

會魁坊在胡瓘宅前明永樂時建今圯

奉化里在孝感里西五里白水村宣孝婦黃連故里

嘉林莊在白水村東宣甸村一名宣莊明湖廣副使駱問禮別墅

今廢

花紋里在宣甸東南附五十二都一名花紋前

南豐莊在花紋里南山口村明處士駱象賢別墅

古越城在大部鄉洪亮吉東晉疆域志諸暨縣注法苑珠林於會稽塔寺下稱諸暨東北一百七里大部鄉有古越城案今大部鄉在縣東非東北自縣城至大部無一百七里遺址亦無可考釣魚臺在大部鄉吳越武肅王會釣魚石上故建見舊志今遺址無考姑誌於末

長阜鄉

進士第在五十三都蘭臺里同治甲戌進士震澤縣知縣趙昌言故宅

貞女坊在蘭臺里趙源未婚妻湯大姑建

鎮軍第在蘭臺東五里駐日嶺壽春鎮總兵陳安邦故宅今廢胡孝子故宅在駐日嶺西北上金村孝子胡宏法舊居

徵士宅在五十四都楓橋東南三里許蟠龍莊明徵士駱觀光故

居今廢

來月軒在徵士宅東駱觀光建正統乙巳觀光子象賢重築今圯

沐恩堂在徵士宅側溪園居士駱象賢故居正統間詔旌其門曰

尚義今廢

尚義坊在沐恩堂右明正統壬戌奉敕建今圯

尚賢坊在沐恩堂左明永樂癸卯舉人駱黼建今圯

溪園在沐恩堂後駱象賢讀書處故自號溪園居士今廢

余懋棟秋日遊

駱氏園亭詩慘淡西風細雨天名園晚景獨流連危樓寂歷緣
颺鼠喬木蕭疏噪暮蟬墨繡古牆苔漠漠碑殘曲徑草芊芊故

家池館今餘幾祇
有溪聲似昔年

中有菊潭梅圃蕙畹蓮池諸勝

溪園亭在溪園今廢

駱象賢溪園亭畫壁詩林壑清暉芳徑春融
煖雲紫巖煤晴飄瑣窗底東風曉來太無力

塵土軟紅吹不起南屏光搖紫翠芒林塘水滑流清香奚奴摘
花不插髻雕籠放出雙鴛鴦青鳥傳書石田芝草光風轉淡烟

著柳枝頭淺傳書青鳥林外來仙家不隔藍橋遠蓬萊左掖雲
染青花香暗結雲母屏葉葉蓮舟拍輕浪燃藜夜讀魚龍聽玉
桃分豔陽鳥暫曜桃之都三千一度花實敷東方小兒眞戲劇
拍手笑走鬱與茶玉簫吹來海水斷枝柯燦爛無人管座中風
景偶平分曙色晴開屋頭煖丹楓薦爽園林昨夜秋聲作小窗
濛濛香霧落屋頭古洞楓葉丹隱隱時聞動仙樂逼人清氣林
邊來彩鸞飛下仙之臺舞影蹁躚月明裏階前踏碎青莓苔秋
水芙蓉溪上奇峰羣玉疊秋水芙蓉光倒插長笛清歌放彩舟
載酒挑燈炷金鴨畫屏淺淡情思濃香凝粉膩天無功斷夢沈
沈隔湘浦綠波未許生秋風三湘夜色蘭皋露溼明珠佩洛浦
微茫月華墜玉妃翦水出羅浮搖曳江蘼蕩晴翠縞衣綽約香
自多纖纖羅襪凌秋波九疑夢斷楚天杳別來試問春如何

清暉樓在沐恩堂東溪園居士宴客處今圯

鳳凰于飛樓在蟠龍莊閨秀徐昭華築今圯

梅花鵲在蟠龍山北鐵厓山麓明孝子駱嗣宗廬墓處

鳳凰于飛樓在蟠龍山南紫薇山北麓爲楓橋最高曠處明兩英處士駱

駿美驂子問禮重修亭左有池池上有小砢砢前石壁如削下

鑿石室俗呼爲百子堂室外鏟石爲池南厓鐫海眼二字北厓

鏡流漱石四字相傳為明海瑞書池東南隅有石洞咸豐辛

巳亭燬於兵里人鎮海學教諭陳烈新釀資重建增桐舫竹齋

蓮源牡丹臺諸勝勒山光潭影四字於石室西厓與海眼南北

相向沿山種桃梅木犀芙蓉數百本駱問禮見大亭記見大亭

前之山麓宅南而亭西向因山勢也紫薇山在其左鐘山在其

右登亭則楓橋一境皆在其望中禮為諸生時邑大夫王近山

公登覽而名之且曰取宋周濂溪先生見大心泰之義蓋以勸

家君而亦以勸禮云經始在嘉靖甲午禮尚未有知識至今萬

曆癸巳六十年矣而復修之修者家君意而任其事則孫中行

亭在其園之上故并以屬之耳亭不甚大四面空皇鑿石為基

後垣頗高長池在其下左一方池池上一小砵并前階庭俱鑿

石為之庭花臺四臺前陡坡雜植成林桃李發時遠望如錦近

視則竹苗挺挺高下出嬌紅嫩綠閒亦自成致其下園地頗寬

每思為小構亦有緒而卒中止所見惟薔薇菜麥之類不足數

也方池環以短牆牆下植葵長池抵砵處植荷夏日納涼則金

鱗滿目清芳撲鼻而舉目見鳥帶山如賓南熏拂拂不知日之

過午也牆外一池頗深而惟三面係石一面雖以碎石整而中

多沙礫故水常不盈兩厓壁立好事者以海眼呼其池因亦呼

曰海厓厓上突兀處可作一小亭望化成寺古塔而力不暇塔

在紫薇山頂其陰產白石英而烏帶山則產紫石英家君號蓋

取諸此亭右無石小庭方丈層砌三面各三級多植秋花因呼
小芙蓉城城上一大坪此園中最高處夷為臺名白雲以其白
雲時起也路當其下自園門至此頗長門內兩旁雜樹花木因
名曰芳樹徑徑陡處疊石為梯遙望層層好事者謂其不俗梯
盡處兩松夾道禮所見植者今已合抱物猶如此人其奈何雖
非仁人之言其感一矣外景則山由烏帶從南轉西前繞幙頭
白茅杜黃諸峰林立而北控泌湖直接石礮爾瞻百丈驛路衝
其缺當幙頭峰下巖壑森羅原隰縱橫市井交加雲霞早潦之
態稼穡錯峙其間二溪穿市入泌楓橋跨其中不可見而人隱
蒼標錯峙其間二溪穿市入泌楓橋跨其中不可見而人隱
過樓頭橋因可指水漲則重湖一望如海近山公所謂見大者
可想矣舊時花木足供清玩來遊者率取以去數年間殆盡因
修始漸復之禮自謝事歸時攜一僕筆牀茶竈徒倚其中興到
覓句搜奇客來則促席麾塵未嘗不竟日而家君雖倦步肩輿
時至先行中行事暇亦率諸孫執几杖焉不知其非平泉金谷
也造以漸成費置不計今修無慮三十餘金在民家亦不堪矣
而不為惜於戲家君老矣禮雖不敢自稱亦豈壯強而此亭六
十年始一修自後更修不知何年使我子孫能修家君與不肖
更能見之費何暇計乎

駱蘊良先生故宅俗名副憲第明江西副使駱瓏舊居今廢

師帥坊在宅東明駱瓏建今圯

澹成堂在鐘山西麓紫薇山北麓楓橋市東明續亭先生駱問禮故宅康熙間惠州府知府余毓浩自高湖遷居於此俗稱其地爲前山

知止堂在澹成堂左今廢

敦仁堂在澹成堂右今廢

肅雝堂在澹成堂後今廢

楓溪書屋在澹成堂中余懋樞讀書之屋今廢

心遠堂在澹成堂中

愛日堂在澹成堂西明湖廣副使駱問禮故宅後歸里人直隸山海關通判陳曰登改題授經堂

楓水名賢坊在澹成堂前駱問禮建今圯

問卿坊在楓水名賢坊側明太僕寺少卿駱方璽建今圯

進士第在澹成堂西南明天啟壬戌進士駱先覺故宅今圯

進士坊在進士第前明駱先覺建今圯

萬一樓在澹成堂北鐘山之麓明駱問禮藏書之樓

駱問禮萬一樓記駱子始

名其讀書之亭曰續蓋先曾大父有自有亭老父有見大亭而德業皆未盡究不揣欲宏其緒云爾自有者取顏子不改其樂章句中伊川程子自有樂處之義見大則亭當山阜所見殊大而亦取濂溪周子見大心泰之義欲續此二義良有不易者知終不能也更名其軒曰此中蓋取韓昌黎且於此中息之義爾繼復為此樓則顏曰萬一義取博文約禮博之於萬而會之於此一此千古學術之訣欲尋聖賢之樂處而見其大未有不息於此而可得者則名樓之大概也始在舊宅東北隅今另構之則在後宅之西北而移此中軒於其前亦另構之樓三間俱七楹樓上貯書無慮數萬卷經史子集粗備其次則古今法帖數十冊若釋道陰陽諸外家書聊存其一以備參考樓下施几席牀帳間可讀倦可息客至可坐庭不過四五丈雜儲花石不事珍富書分為十三櫃許人來讀借去則不可防散失也客必心知始延之入初意建之別墅以便讀書今在宅中惟力所及嗚呼吾老矣昔人以年老讀書為秉燭之光又讀得進恐吐不出欲以貽子孫而又恐未必能讀嗚呼豈誠然哉讀書老不若壯以警後生使知及時惜陰則可若語朝夕可之義則秉燭之說吾猶以為非至而況其他貽金未必守也人且汲汲皇皇貽

書即未必能讀定不為害萬有能讀者不勝貽之金玉乎余自
 謝事歸內無聲色之娛外無山水之樂不惟鄉里瑣細即稼穡
 桑麻亦置不問優游此樓固不免釋卷茫然而開卷未嘗無益
 遇好我者與之探討疑義終日忘疲而客去則閉門如常不知
 老之已至所得於茲樓者多矣曾見一巨室多書為當道子需
 索每別購以塞責甯不為害此事之不常有者食容可以咽廢
 嗟夫凡天下有形之物孰無興廢斯樓自我而建安知不自我
 而廢不自我廢安知不自我子孫吾已矣或子孫能守安知無
 擴而大之以繼吾志者然而能守與大此樓必自能讀書樓之
 書始則今日作記之意也若曰六經註我而以讀書為大禁則
 斯樓誠為駢贅然業已名此樓矣

續亭在萬一樓西南駱岡禮讀書之亭今圯

自有亭在續亭前明貢生駱璉築今圯

生慷慨負奇氣落筆恍聞神鬼驚讀書之亭大於斗扁取其
 為自有我聞所名之義何石卿不答笑而走孔明究竟理無窮
 兩字淵源向未通檢遍六經無覓處誰知只在魯論中陋巷簞
 瓢言最切伊川註上分明說苟能尋出樂事來方識聖賢真妙
 訣約之以禮博以文工夫在己不在人至於欲罷不能後便覺
 眼前都是春仙人洞口兮草木皆彬彬泌浦湖頭兮鷗鷺皆恂
 恂鳥帶山環兮即之如申申幙頭峰高兮仰之如閭閻楓溪浩
 浩兮聽之如諄諄石橋平平兮由之如循循吾心涵萬象萬物

備吾身措之可以為經綸他日要安天下民君不見古蘭亭正與自有亭相鄰願君但餘顏淵水莫學流觴王右軍

此中軒在萬一樓前明駱驂築子問禮重修駱問禮此中軒即事

詩神交閉戶無今古客到開軒忘爾我世事紛紛何足憑不分好惡但稱可鳴琴喚鶴茶煙午掃榻焚香硯墨芬門外喜無催稅吏坐中時有問奇人停披啟戶弄朝曦漸覺庭前春色肥一榻積塵常不下百拜誰與共襟期雜陳圖史任縱橫整頓琴樽勤拭拂坐起欠申命僕頻門前看有車來不宿雨階除長綠苔蓬門終日不須開年華有限閒中過愁緒無端暗裏來

聽泉亭在澹成堂西明駱象賢築今圯

東溪草堂在聽泉亭側東溪之濱詩人駱衛城故宅

和樂堂在楓橋市南東溪橋西今廢徐渭和樂堂詩堂敞羣山紫翠中一門和氣煖融融每看

霄斗懸從北別有春風來自東萬里雲煙圍檻桂百年枝葉老橋楓簾櫺笑語時時發莫問瑤臺第幾重

溪風山月樓在東溪橋西明駱象賢命其孫茂膺建後為象賢子

和家祠同治壬戌燬於兵今重建駱象賢溪風山月樓詩紫薇秀出山龍從楓溪盤屈泉流

湧清風明月良自多層構東西靈秀拱素華結攬金芙蓉寒流交光玉蟠竦一丈移栽玉井花天香分來廣寒種金粟飄搖兔

日移珠露荷擎水仙捧我聞二氣流行常頓洞聖人繼天大一
 統風雨攸除百堵與居處民生時總總底事於焉清氣重棖柄
 雲飛高益聳岡巒近遠圖畫開一鏡明湖天蕩動帶山秀拱瑛
 石藏巘嶸朝來分鬱滃掄材栝柏正土圭工藝場師成慇懃半
 天星斗瀉闌干下士煙霞晴翠擁南山疏鑿白石堅不倦丁男
 常倥傯巖洞神仙近屋頭古木蒼藤盤腫樓頭月轉碧天低
 溪曲風晴聲洶洶逝日西飛愛日留甘旨慈闈申孝奉燕處寒
 温慰母心經始何言迫紛尤流來月馭鎖窗虛散出飄輪絕坊
 壟雨露桑麻禾黍登蔬果園了勉培壅山可采兮溪可漁薪水
 供廚頓繼踵畫屏磨琢香風圍丹堊朽鏝日完鞏禱祀時思轉
 邱壠松梓顧瞻如敬竦春露秋霜無不然履薄臨深增懼恐賡
 歌命酒款材賢染翰摘詞延賈董詩歌古調心膽清夢斷鈞天
 毛髮悚月色風聲最可人登眺憑虛吹鴻濛聚慶高元家世昌
 尚義旌門荷天寵母儀子孝節義全狷介持操端璧珙友于兄
 弟孝行徵儒雅論文脫凡茸抱書
 時擬究元微夜靜青鐙對周孔

瑞竹堂在和樂堂北明俞瀟妻童氏俞滋妻趙氏俞潤妻金氏三
 節婦舊居戶側產竹一本三幹本皆疊生三節故題其堂曰瑞
 竹今改爲俞氏家祠

徐家街在瑞竹堂西爲楓橋支市

楓橋大街在徐家街西北自五顯橋東至大部街隸大部鄉街東至鋪前隸長阜鄉長一里餘商賈駢集爲楓橋東市市中有楊相公廟

新街與大部街對巷爲楓橋北市

脩梅館在新街西北大園同治丁卯舉人駱元邃居室

孝義巷在新街東楊相公廟側以元丁孝子祥一王義士汝錫得名汝錫曾爲晦菴書院山長溧陽縣學教諭

進士第在楊相公廟後康熙戊辰進士余毓澄自高湖遷此

容止軒在楊相公廟東明溪園居士命其子稔築今爲稔家祠

進士坊在楊墅下明嘉靖壬辰進士駱驥建今圯

國賢坊在進士坊東鋪前明宏治戊午舉人陳元魁建

進士坊在鋪前國賢坊東明正德辛巳進士陳賞建

解元坊在鋪前明初陳元祚建今廢

見隆慶駱志其人無所考

義安縣舊署在進士坊北鐘山之西宋東尉司故址開禧間鹽盜

竊發安撫辛棄疾申置乾道八年改義安縣析義安等十鄉屬

之淳熙元年復為鎮元改巡檢司領長甯大部長阜東安西安

紫巖六鄉明正統間革後改為驛鋪今即其址建景紫學堂

喜雨堂在義安舊署中宋乾道間建今廢

知縣李文麟喜雨堂詩偶沾微祿念王程每到

山郵一駐旌形勝不殊歸杜曲簿書非復對韓檠民饒只合勤輸賦政拙尤宜自勸耕遙望白雲千里外愧無雙鳥比王生

紫陽精舍一名義安精舍在舊縣署側宋朱子為常平使者召楊

文修與談名理因止宿焉

俗誤為今紫陽宮

鄉人塑其像歲時展謁明

駱問禮移像祀於紫薇山麓其遺址併於驛鋪

秋暉書屋在紫陽精舍東北詩人陳芝圖故宅今廢

陳芝圖歸楓溪詩煙樹淒

迷認故家粉垣頽處片籬遮寒鳥亂噪爭殘核秋蜨孤飛戀小花網戶無人經雨壞綺窗不掩受風斜祇餘舊日悲秋地斷柳

絲絲傍水涯省楓溪故居詩惘惘三十餘架亂蓬花墜一枝聊
足樓身外復何計感慨入中年便無窮事還思百年身消我
幾多淚人情既遷晉景物亦衰悴淒涼八月中秋風如許厲開
我竹閒樓啟我牀前筇臺粉落承塵蛛網懸梁櫂朽蝕無完書
毀剝無完器碎彼長暮人愛好忽捐棄零落無人收慘淡風煙
際嗟予承先澤薄業未全廢流離乃至斯太息誰為致寂寞倚
孤櫂忽忽臨天地

丹棘園陳芝圖家園今廢

滋德堂在秋暉書屋西北元東岑居士樓謙故宅

楊蔬園在滋德堂前吳越都知兵馬使楊洋宋孝子楊文修故宅

後遷於鄭里

即今全堂

今遺址半歸朱氏半歸趙氏

進士坊在楊蔬園西南丁家埂宋咸淳甲戌進士丁午奎建今圯

孝子坊在丁家埂元至治間孝子丁祥一建今圯

晚節堂明晚節居士丁仲銘故宅今廢

駱象賢晚節堂記諸暨楓橋里中有隱君子丁仲銘

氏樂善好施予年踰八十視明聽聰起居食息不減少壯時操持端謹邦人稱之為晚節翁從而顏其堂來徵予言夫節為中

正之宜義之由來向矣二氣流行兩間賦與物者曰命人之靈
 由之日性合性與命而為心心為人生之士宰事事物物品節
 之閒事功行焉五性具焉仁為節之由義為節之宜禮為節之
 約智為節之固信為節之敷至於晚節當益修益敬進當節其
 所進止當節其所止丁氏舊族也先世有諱誠者宋仕太常典
 簿伯兄謹任大理評事推恩贈考仲庸如其官由新昌遷居海
 鹽評事傳五世日午奎號南山登咸淳黃龍澤榜進士由海鹽
 轉諸暨之義安仲銘為南山四世孫篤於繼述修省所朝清夜
 焚香稽顙自新寒暑風雨無間嗣子則賢又疏爽喜通賓客客
 至必為酒相與酬酢盡歡洽而已一日則賢訪予溪園亭上與
 論易因推本其義以為易之節有安節之亨循乎中正之宜甘
 節之吉往而有向也孜孜汲汲行之或未能焉桑榆景迫晚節
 之書先得吾心之同然也書是為晚節堂記

進士第在丁家塢北楊蔬園西廿板橋南光緒乙未進士陳模居
 室

孝子坊樓氏開先堂家祠前元孝子樓昇建今圯

有功聖門坊在開先堂前明義民樓成櫃建今圯

下楊村在開先堂北半里康熙丁卯舉人贛縣知縣樓漣故里

忠勤堂在下楊村東長道地明揚州參軍陳鶴鳴故宅其後樓題

曰聚奎今廢

永錫堂在忠勤堂後今廢

露蕭堂在永錫堂後今廢

光裕堂在露蕭堂後皆陳鶴鳴建鶴鳴子廣東左布政使陳性學

著有光裕堂集

御史坊在忠勤堂前明萬歷中御史陳性學建今圯

元覺樓在忠勤堂側明翥溟先生陳于朝建今圯陳于朝元覺樓賦有客從西來

羽其衣扶筇而至以一鉢向予門募食崎嶇狀也器而與語若

師浮邱生者因及長生道有藥耶石耶曰無之海有巨石出崑

崙之峽神禹之足未之履焉歷萬滄桑不少變謝如峰如巒無

明無夜日幾於登月幾於瀉為地之霄為天之榭可不為長之

生而久與乾坤並其夏者耶然而鴻濛以為母混沌以為父萬

年無疾不知含哺喜則躍浪羽跨濤車而怒則蔽曉天噴晚蜃

而屏吳楚當其時虛不知其形骸扁不知其肺腑藥石所勿施

崙之泉翼若垂天尾長於乾盤古氏不識其年可不為生之長
 而莫之與肩者耶然而混敦氏未起黑山赤水日相居止嗚呼
 欲死及日月之始開而後吞陰吞陽吸風雲遊凌霄之渚彼其
 所食者二氣而後乃復爾余曰叱叱女語何綺曰先生勿覺乎
 覺其為無有之亦無海之魚不生矣覺其為有海之魚俱不死矣得無以
 石亦不生矣覺其為無為有海之石海之魚俱不死矣得無以
 生天地之生也得有以生人物之生也得其有無以生陰陽之
 長生也覺此而後老天地古人代萬物陰陽矣余曰叱叱女語
 何知曰先生覺否覺元否藥石弗覺弗能施也先生請正襟坐百尺
 也藥石既覺恐能施也無之說從元生也先生請正襟坐百尺
 樓上思有思無遊神天地之先結想有情無情之際海不啻方
 寸之洋而石與魚不啻方寸之靈蠢也言訖與飯一盂去不知
 何往因以元
 覺名吾樓

涉園在忠勤堂後陳胥邕即日愛園故址築胥邕弟洪綬為之記

陳洪綬涉園記涉園者予兄乙未鵬樞菴來先生請名之者也
 庚子構堂一亭一穿池二子樂記之予憶先生名時眾以為取
 諸日涉成趣之義也已予能廣其意當不是乎止也憶予十歲
 兄十五歲時讀書園之前拳霞閣中日愛園有七樟樹經緯之
 以桑柘綺縮之以蔬果幽曠若謀而成高下咸得其所謀為亭
 館以居之遂因其地勢之幽曠高下擇其華木之疏密高卑又
 非嘉木異卉不樹也一日而涉焉或樹一花木一月而涉焉又
 去一花木至於其先必以為減宜不改而植之歷千餘年枝幹

榮茂而可觀根本深固而不拔者必樹之去之務與其地之相
宜而止為屋則樓閣堂軒廊窗亭牖露臺曲房圖畫規制凡數
十改易務與其地之相宜而始定鑿池則條東倏西隨開隨塞
變田成溪者十餘度務與其地與樹之相宜而後成此非涉之
之久陳迹不留新意自啟能若是乎哉夫園細事也能作園未
技也不日涉則弗能為良學固可弗日涉乎哉故日涉經史涉
古今予願從兄坐此園也深維其涉之之義而細察其涉之之
效種德樂善文章用世朝夕孜孜焉能如其精擇遷改動與時
宜之為善也然非日涉經史日涉古今能乎哉予願從兄坐此園也

寶綸堂在忠勤堂右老蓮先生故居今廢

團園居在寶綸堂後老蓮先生寢室今廢

陳洪綬臥病團園居詩
秋夜愛獨坐猶愛明月

光今夜月皎皎兩事言所望遙知溪山裏冷冷而蒼蒼思覓一
朋侶開門步寒塘夜深呼不起中止忽旁皇奢哉人所欲百美
不足償始願期秋夜復得月滿堂何為不知
止而欲逮於荒唯有進德心要使廣無量

學霞閣老蓮先生讀書處今廢

寫經軒在團園居側老蓮先生女閨秀陳道蘊寫經處今廢

曼殊室在寫經軒後老蓮先生妾閨秀胡淨慧居室今廢

七樟菴在忠勤堂後老蓮先生家藏書處今廢

陳洪綬七樟菴帙

敬廬筆牀細帙具存餘大夫薄俸留田宅先聖遺風在史書已

悔從前虛歲月未知已後惜諸居夢回酒醒常深計未得幡然

借園在寶經堂東北老蓮先生家園今廢

陳洪綬借園記遺樓之

得焉可壘怪石幾笏構危樓數椽風日清美經營其間綠竹當
戶豫章上天養生學佛書畫種田曾中忽有南面百城傲人意
心自叱曰竹為叔祖之竹樹為吾兄之樹我見於此借也何有
於我哉因廣其意以知古昔聖賢制度雖括聰明之量正人物
之性如八卦見之負圖書契因之鳥獸列舟作車之類遠取諸
物辨陰陽交鬼神以治氣教化成萬世之教祖者皆借也即後
世帝王勦業者不借五德始終之運與侯王將相不借治亂聖
人之靈者乎其餘歷代文人學士不過咀古人之英華步前賢
之陳迹驕氣浮志為用而矜已傲物卒之身名俱敗者俱不知
我所有者借之故也嗚呼吾何人斯敢不自反腹內無百字成
語書畫肆說鈴譏所不及乃敢上人乎哉額曰借園顧名思義
五月七日書於遺樓大雨又小構借園詩竹自開三徑蕉能覆
華阿因之為小憩不欲用工繁四壁圖良訓中堂畫世尊隨人
所成就叢土即名園苟且事修葺深於學道妨野心愛山谷凶
歲作茅堂土木一朝費農夫八
口糧債人為苑園錢穀詎能量

醉花亭在借園西隅今地陳洪綬坐醉花亭詩吾愛山亭竹樹幽

月聊為兒女謀俗務每從無意得好懷不是有心求連朝飽坐工書畫感感想忙時絕夢遊

遺樓在借園前老蓮先生居此今地陳洪綬遺樓詩無力為園圃

月類全收文字真牙慧圖書非臥遊半閒懸古佛要學白衣修

瑞蓮堂在忠勤堂西明懷永先生陳心學繼妻童節婦居室庭池

產蓮一莖並蒂故題堂曰瑞蓮今廢陶望齡瑞蓮堂詩并序貞

為其弟婦童作也童之先出宋李忠襄顯忠避國讎改童姓姓望於會稽貞姒年二十一歸方伯公介弟國子君以孝婉稱逾

二歲生子于京陳君前婦有二女子貞姒視之如京也庚辰國子君卒臨訣以子女屬貞姒以故貞姒哀甚矣猶為強粥趾無

翔目無遊客無矧者三十年背有方池嘗植蓮自喻曰吾悲其腹子以生而成子以瘁其苦心哉甲辰蓮三莖六花並蒂人謂

之義感予聞而為賦雙蓮之詩三章曰太華峰頭玉女井井中蓮花千尺冷花開花落誰得知黃鵠孤飛來照影黃鵠歌殘調

轉悲鴛鴦冢畔夢猶疑只因池上雙蓮影得似當年鏡裏時雙窺雙語鏡中妝蓮葉蓮花總斷腸幾倩西風洗紅粉斷香零露

老秋房

南齊阮佃夫故宅在長道地東南今名阮家牆下宋書恩倖傳言佃夫宅舍園池諸王邸莫及於宅內開瀆東出十許里塘岸整潔今阮家牆下東南半里東溪之左陳氏居室名曰前水門俗傳爲阮佃夫家水門則其里居之閎麗亦可知矣

履素堂義士陳德龍卽明南雄府同知陳翰英弟璫英東明堂故址建堂東爲其元孫光緒丙戌進士翰林院編修陳適聲故居旋吉堂在履素堂東適聲祖陳殿榮建堂西有五柳居

陽明書屋在東明堂西明德府典膳柏軒先生陳元功建題其寢堂曰榮慶右翼曰舸樓左轉曰樞閣餘姚王華爲之序

大夫第在陽明書屋西南明景泰癸酉舉人陳翰英致仕後所建其舊居曰上新屋在大夫第後今廢

繼魁坊在大夫第側上新屋前明景泰舉人陳翰英建翰英從叔

璣以禮經魁會榜翰英復以禮經魁鄉榜故題其坊曰繼魁今廢

世科第在大夫第西北明宏治戊午舉人五河縣知縣陳元魁建

寢堂有祖孫父子甲科額今廢

夏官第在世科第西明正德辛巳進士兵部武庫司主事陳賞建

今廢

溪園小築在夏官第中陳賞讀書處

陳賞溪園小築即事詩麻衣返里事紛紛舊屋無緣可復

存溪匯漫然成棟宇楹庭聊可奉晨昏三峰聳立清何限一水周流遠有源莫道書生居室小興來震動五雷門小橋引路入迢迢一室悠然暫息勞泛艇晴光醒醉眼透窗竹影動詩豪步隨夜月庭何廣坐對南山地自高只恐青雲生足下天風萬里

又征袍

恩榮堂在夏官第西陳賞致仕後所建儀門外有祖孫父子兄弟

甲科額又有郡守洪珠所題進士額今名進士第

世翰林第在恩榮堂後明宣德庚戌進士翰林院庶吉士陳璣故

宅以其八世祖陳壽官宋翰林經諭故題其居宅曰世翰林今

廢

會魁坊在世翰林第前明宣德庚戌進士陳璣建今圯其遺址名

牌軒基亦稱尙文坊

烏臺門在世翰林第西元孝子陳玘故宅

南齋在養源堂東南明南齋先生陳齋故宅今廢

寄隱草堂在烏臺門北宋翰林經諭陳壽自河南閩鄉縣遷杭復

自杭遷居於此舊名宅步今廢其遺址名船坊基

陳壽宅步家居感懷詩家

世南遷自汴京飄然浪迹寄杭城卜居宅傍梯山穩辭祿身離
翰苑輕驅虜每詢邊將捷思歸頻夢故鄉情幾回翹首登樓望
縹渺層雲護禁陵築室梯山遠市朝思鄉戀國兩情饒錢塘未
許懷天塹淮水猶堪渡汴橋虜騎斥充豺虎嘯社城消索鼠狐
騎英雄壯志吞胡羯暫解朝簪學種桃誰挽天潢洗甲戈遺安
只好臥林坡已無公相新司馬空有將軍老伏波戡亂未遑裴

李績立朝先失商廉和千年經
變權宜在何事疆場奸宄多

惜陰書屋在寄隱草堂西元稽山書院山長陳策講學之廬今廢

陳策借陰書屋即事詩築室數楹聊蔽風結屋數椽聊蔽雨翻
天覆地震時閒風癩雨聚何如許捲我厚覆幾重茅撼我壁立
幾根柱羣從忙撐不可支欺我醉眠茅窩底倏焉天地壓蒙昧
等閒化作祥風起四方入表得清輕蕩蕩乾坤掃塵翳所幸
跪棟不推猶得纏綿重葺理

長史第在寄隱草堂西明晉府左長史陳廷俊故宅今其地名七

房廷俊祖道全建

泉泉耕舍在東野草堂東北二里許青龍阪之原明伯軒先生陳

元功建今地

沈仁題東野草堂詩東野生涯得趣新一蓑烟雨
一犁春山中隱者陶宏景谷口耕夫鄭子真繞屋
田園新世界滿庭風月舊家鄰九
重宵肝思賢佐未許衡門老此身

全塘街在全塘楊家

清白堂在全塘街西宋楊文修子自楓橋徙全塘始居於此今改

為家祠

鐵厓故宅在清白堂東南小鐵厓山麓泉塘之側元泰定丁卯進

士楊維禎舊宅後徙居松江鄭天鵬過鐵厓故居詩鐵厓高萬丈立馬看嵯峩此老文章少為官

賦軻多列星還碧漢廢宅隱山阿桃柳嘯黃鳥淒涼怨舊歌

萬卷樓在小鐵厓山巔楊維禎讀書之樓維禎父楊宏建今遺址

尚存屠倬訪楊鐵厓讀書樓四絕句山花木葉作新秋犖確來尋石徑幽一代風流楊鐵史紫苔繡徧讀書樓虞楊范揭

分標格風月湖山屬霸才鐵笛一聲秋意瘦竹枝傳唱滿蘇臺老婦謠成兩鬢銀蒼茫天地一遺民未妨略涉香奩意屈宋文章見古春扁舟來往稱詩仙風景長防禦老顛一事傲公懷抱好太平有酒不烽煙

集英軒在全塘鐵厓山麓明溪園先生駱象賢別墅今廢

湯中丞故里在全塘湯村乾隆丙辰進士湖北巡撫湯聘故宅

東安鄉

東灣里今名屠家隲在五十六都南齊屠孝女故居

兄弟科甲第在王家溪頭乾隆壬午舉人王本玉丁未進士王國

元戊戌進士王需霖父王澤溥故宅澤溥年四十已生三子復

之貴州娶於李氏又舉三子連翩得科第賜至貴三子詩王家溪頭溪水流連峰際

天天幽幽我生何為終日愁拔劍出門走兒婦牽衣不可留行

行西南陬西南之貴州左江茫茫右江泱泱浮槎艤乎貴之陽

山川清淑風氣雍穆往貞于陽卜卜辭嘉告嘉莫嘉兮貴之筑

傲而屋贅而育家而塾河東珠樹森而馥才二十年餘食祿而

飲福春蠶作繭三眠三起同父兄同父弟相去幾千里

干吉故里在大干溪吳方士干吉舊居

貞女坊在大干溪南銀杏街北驛路旁胡法正未婚妻葛貞女建

銀杏街在銀杏樹下

進士第在五宜潭康熙丙戌進士蒲江縣知縣毛鈺故宅今廢

進士坊在五宜潭西南黃沙橋康熙丙戌進士毛鈺建今圯

踏鼇坊在黃沙橋明天順壬午舉人張伋建今圯

履和堂在前陳村拔貢生陳偉居室

止於堂在樂家橋前湖咸豐壬子進士駱文蔚故宅

王元章故宅在九里山麓元高士王冕自五十都郝山村隱居於

此案張辰王冕傳明師至九里冕方臥病重其名輿至山陰天

章寺今東安鄉營盤去九里一里許為明胡大海駐師處由營

盤至九里由九里至天章寺為明師攻郡城順道若冕居郡城

南之九里則非順道矣前說多誤王冕村居詩斷橋分野色曲

自作村人情同下里風俗異東屯我老無生計耕教子孫人

言村落僻我處頗清幽竹色侵衣冷江聲繞屋流歡呼同社酒

出入趁漁舟不用問時事桑陰且飯牛避世忘時勢茅廬傍小

溪灌畦晴抱甕接樹溼封泥乳鹿依花臥幽禽過竹啼新詩隨

處得不用別求題茅屋人看小我居殊覺寬雲開山滿座雨過

草平欄古意琴三疊清風竹萬竿養生無別具壁上破瓢簞欲

識吾居處屋前溪流門交青薜荔籬蔓黑牽牛有竹編書簡

無花引釣舟生涯隨分已何用卜菟裘英雄在何處氣概屬山

家蟻布出入陣蜂排早晚衙野花團部伍溪樹擁旗牙抱膝長

吟罷天邊日又斜綠槿成籬落茅檐挂薜蘿馬車渾不到樵牧

白相過臥看歸田籙行聽擊壤歌優游只如此刀鋸奈吾何局
厭塵中隱寬從野外居人情方密熟禮數覺生疏懸榼空浮蟻
陳編撲蠹魚客來縱談笑不必問吾廬又山中雜興詩去城居
九里夾地出雙溪傍水編茅屋移花近藥畦長年無客到終日
有猿嘯利路何須問閒身儘可棲散處身如寄幽居屋似船江
鳴風落雨山暗樹生煙架有催詩簡囊無賁酒錢東鄰吳季子
蕭灑亦堪憐漂泊殊無定歸來得暫安不嫌知己少已覺傍人
難梅屋春風細松窗夜月寒交遊成契闊重檢舊書看短策閒
尋句長歌獨倚樓野雲迷客思花雨亂春愁論事思王猛看書
憶馬周老吾吾道在雲思花雨亂春愁論事思王猛看書
知春是客不歎食無魚石屋春雲重繩牀夜月虛蕭條空四壁
誰問馬相如山園無定式力作是生涯近水多栽竹依巖半種
茶春風吹小草夜雨出新沙不必問時事城中減大家眺望春
光遠登臨夕照微野煙平戍壘山鳥怪儒衣觸處無高下何勞
論是非奇言彭澤宰出仕不如歸石樓合曉色茅屋近春暉野
水中閒落雲山四面圍長歌樵擔起短笛釣船歸景物隨人至
詩成思欲飛貧居得幽僻世事不相關詩思多因雨開情獨愛
山落花隨水去孤鶴望人還最喜人清健年來酒量慳家貧更
食淡年老覺身臞細字憑兒看清尊待客沽惜春嫌謝豹願免
憶韓盧悵望青山曲點頭愧野夫卜宅近山阿柴門障薛蘿風
清聞鶴唳日煖聽樵歌密樹懸青鳥平田浸白波村船乘暮景
來往急如梭寒雪滿空山出門行路難家人愁累重客子怯衣
單寇盜因時起乾坤尚未安
吾農清苦甚今日淨朝餐

梅花屋王冕著書之廬今廢

王冕梅花屋詩荒苔叢篠路縈迴繞澗新栽百樹梅花不落隨流水去鶴

歸長帶白雲來買山自得居山趣處世渾無濟世才昨夜月明天似水嘯歌引上讀書臺

竹齋王冕讀書之齋今廢

韋性竹齋記暨陽王元章以竹名齋請十數楹清風凜然如接畏友元章其真如竹矣君家內史修禊

蘭亭修竹之名播天下竹以人重也子猷事業不多見徒以愛竹之故世之言竹者必徵子猷人以竹重也元章孤高放曠暨之竹將由元章而重矣人患無志耳有志而無成吾不信也

心遠軒在九里山中王冕築今廢

王冕心遠軒詩淵明賦歸去寓意在田園結廬雜人境喜無車

馬喧秋風菊采采春風柳娟娟人迹日已疏世事日已遷高臥北窗下夢寐羲皇前瀟灑萬慮空豈但琴無絃上人絕遐想所適乃自然端居中澹寂不在地靜偏緬懷千載風所以名吾軒

耕讀軒王冕築今廢

王冕耕讀軒詩路逢誰家子背手牽黃犢犁鋤負在肩牛角書一束輟耕且吟誦惜陰坐

喬木南山豆苗肥東皋雨新足涼氣滿郊墟書聲出茅屋古來賢達人起身自耕讀買臣負薪歌倪寬帶經讀寄語少年徒行

當踵前躅

按察第在五十八都虞村明按察使司僉事虞以文故居今廢

進士第在虞村明萬曆甲辰進士壽堯臣故宅今廢堯臣墨城人遷居虞村

宜仁莊在虞村陳州知州趙之璘故宅今廢

大夫第在宜仁莊前揚河通判趙南觀故宅今廢

包村在附五十八都虞村北馬面山下義士包立身故里奉

敷建忠義祠義民塚郭肇東安烈士歐東安烈士田舍兒劔眉珠

鮮軒后陰符豈解讀猿公劍術誰得知劫運將臨天驅使精誠

所激神護持圮橋受書事怪誕誓為鄉里扶顛危冬十一月義

旗對身少擊戰逸承疲一勝再勝軍威震道旁京觀築纍纍醜

徒切齒思報復陸致犀兕水蛟螭連營州里密如薺中懸一壘

兀疑巖侵晨賊至大刀舉霓旌鶴髦坐指麾六射不動眾心固

一呼響應賊氣禡白日黯淡蚩尤霧陰風慘慄王母旗入公草

木戈甲動昆陽虎豹風霆馳須臾犄角外圍合徑梟渠率血淋

瀉扁舟舉火千帳烈萬騎倒戈百夫追羣兇坐是挫精銳相戒

不敢窺營離踞巢老魅猶囓強收召殘眾勸瘡痍乞援四出圍

四市自春徂夏無休時孤村坐困終非策累勝莫救萬輩飢茫

皇朝中興申擢伐草莽臣亦奮鞭筆牽制羣賊罷奔

紫巖鄉

橫關街市在六十都紫巖寨今名關口西見舊志今廢

琴陽里在六十都宋侍御史屠道卜宅於此榜其所居曰琴陽後

遂以名其地

宋子琴陽記友人屠君天敘諱道者以進士拜侍御史辭疾歸隱素善琴乃作軒於暨陽山麓蕭爽

絕塵入夜燕息援琴鼓之明月當戶光彩映發神閒意寂其資

之者深矣遂扁其居曰琴陽請余記之余聞聲音之道與政通

故君子窮則寓其志以善其身達則推其和以淑諸人蓋心和

則聲和聲和則政和政和則物無不和矣暨陽之邑多山其居

民淳厚天敘能以古音道之必有能聽之者是為記清熙五年

四月甲申屠倬琴陽舊廬詩萬山迴合處深谷少人烟留得茅

廬在於今六百年又故園讀書處詩樓居面山起溪流抱山止

更有還山雲飛落視池水又自題琴陽舊廬山水畫壁詩終朝

仰屋不見山臥遊卻在青山閒虛廊粉壁親手畫只恐小兒塗

抹瓊莓苔黏向石根青檐溜飛來松頂挂碑石鬱律一丈高放

朝議第在六十一都白鶴山前一名長宋左朝議大夫陳協隱居

之所協與岳忠武主匡復忤檜旨棄官家此高宗賜理學名臣

額及忠武遇害協題堂聯曰泥馬瀾迴小隱坐看河九曲黃龍

酒熱趨班猶夢月三更後圮今其子姓聚族居者在山之陰

店口市在六十一都義士橋東舊在中里即今中村明萬厯間移此

義門坊在店口市北義士橋東元瑞安州學正陳志甯偕弟嵩之

勸建義塾義莊以教養族人至大二年江浙行省參知政事高

昉上其事詔旌義門建坊後廢莊塾三百餘楹其遺陁盡為居

室而坊亦圮宋濂義門坊銘義爾塾盡知讀建爾坊萬人日應

日世其昌義爾阡惠重泉立爾坊高插天應祝日世多賢

槐柳莊在店口元尙元先生陳嘉績別業今廢陳嘉績槐柳莊記

嘉績所築之別業也去蘭亭四十里在陶朱之北鄉曰紫巖山日尙元後為屋三間奉其慈親以休息其妻子中為堂一間別其晨昏定省之所扁曰存順蓋有取夫橫渠先生存吾順事之遺意也東築齋一間藏其所讀之書温故知新以考察其所不逮名曰求放心前提舉浙江學校陳先生旅著作郎李先生孝先嘗為文以致警助焉前為堂三間則其親戚故舊吉凶慶吊

私會之所也又其前為軒曰退思為亭曰悠然耕釣之暇於此而游焉息焉者也凡為屋大小十有二間而庖瀾之室不與焉後為圃五畝樹以桑桑植以雜卉曰桃曰李曰栗曰梨曰榴曰梅而不實之葩不取焉前列翠柳間以文槐環以修篁皆其心之所好而手之所植也翰林待制杜伯原先生見而嘉之為題其額曰槐柳莊云噫余自十五六時嘗奉父命讀書寓春山中二十而歸試以鄉第一無所成三十而罹父憂又三年而出遊遊五年卒無所遇又二年始獲歸築室以居今年五十矣既不能以尺寸之奇自見於斯世猶將尚友于載以求合於古人昔蘧伯玉之行年五十而知四十九年之非自今以往思寡其過得為伯玉之儔亦云幸矣尚敢冀其他哉至正甲辰七月朔旦

日步園在槐柳莊後陳嘉績家園今廢

進士坊在店口義士橋俗名朱家橋西明嘉靖己丑進士翁溥建

尚書第在進士坊西明南京刑部尚書翁溥第宅中有知白堂今廢唯門址尚存

廢唯門址尚存

震紫園在尚書第南尚書子南京左軍都督府都事餘忠讀書之所今廢

所今廢

溪上草堂在店口市義士橋西明羅源縣教諭陳克建別業卽尙書

第故陞築今改為義塾

探花第在店口市南明永樂壬辰進士王鈺故宅今廢唯祠堂存

焉駱問禮瞻太史王葵軒公眞容詩一代名臣幾似公仲舒文

行漢時雄經綸未了胸中蘊瞻拜欣逢意外容十里雲開梨

鵬雪滿江湖湧柳塘風躊躕莫問誰麟閣顏巷還誰識舊蹤
進士第在六十一都有覺嶺下嘉慶己巳進士王海觀故宅

乾山孝子宅在有覺嶺下王國泰故居今圯

岳駐里在六十一都北界山陰天樂鄉相傳店口陳氏始祖諱協

者隱居白鶴山卽長竟山與岳忠武締婚媾忠武訪之駐軍於此故

里由是得名焉

踪忠亭在涓池江干明諸生中黃先生傳日炯殉節處後圯傳學

忠亭碑記孔子曰志士仁人無求生以害仁有殺身以成仁此蓋爲爲臣子者言也昔者屈原不得志於其君遂蹈仁人之節

以死千百世後雖人往風微猶想見其哀吟怨慕於涉江之餘
 則夫歷世未久毅魄浩氣照人耳目其仁心仁聞為何如乎明
 社既屋遂乙酉王師渡江故御史大夫戴山劉公高首陽之節
 不食而死於是傳之先人有中黃先生諱日炯平公先生諱
 均者皆戴山高第弟子相約殉難平公以母夫人不許而止而
 中黃先生託其母於族兄奉莪正衣冠拜祖廟自沈於涓池之
 江許懋今百十年矣嗚呼世之炎炎赫赫者石人華表誇耀當
 時不旋踵而姓氏灰滅先生死節之處為舟航通道長年三老
 過其地者猶能道之芳譽之流傳豈徒使賢人君子悲魚腹弔
 沈湘感歎於荒江寂寞已哉爰記數語鐫之貞珉立於沈身之
 所求仁者可以知所興起矣

烈婦坊在涓池江干乾隆五十五年傅煥照妻華氏建

傅平公故居在涓池鴈頭今燬

傅中黃故居在涓池塘灣底今燬

傅氏園林在塘灣底仁和高士奇贅居之所今廢

高士奇外舅園林詩山亭一徑

通泉響雜松風壁峭懸疏翠苔深落小紅廚煙
 新竹杪鳥語曲闌東他日重相訪空餘幾樹楓

學士第在傅氏園林側嘉慶辛酉進士翰林院侍讀學士傅棠故

居

木雞軒在涓池聖山麓明翁源縣主簿傅初著書之室今廢

雉山草堂在涓池聖山雉陽明奉莪先生傅雨受業於劉戡山戡
山殉節後奉莪築別舍設戡山粟主於中偕其族人傅均率生
徒講論忠義後人改爲戡山祠并以諸傅附祀

進士第在六十二都王家步順治丁亥進士原武縣知縣蔣爾琇
建今廢

百梅草堂在進士第側康熙辛卯舉人蔣宣奇別業今廢

竹廬在六十二都白塔斗門明江府左長史華岳讀書之廬今圮
三烈坊在六十二都顧家江口順治初顧氏三烈投江殉節處
永思堂在六十二都戡里蔣重良重建痛其父子濬陷於非罪因

顏其堂曰永思

楊莊在永思堂後乾隆辛卯舉人蔣載康注經處今廢

馮至過載里楊莊詩

楊莊善易不言易草屋無書處讀書三史分明添注釋六官確鑿竟刪除淮黃路入南旋錄燕趙碑收北上車完壁碎金誰拈拾名山應眷嫡孫如湘孫諸生如潛心繩武為刊周官心解

經篋堂在楊莊左側蔣載康藏書之室今燬

康泉小築在戢里旗山之北國初布衣蔣康侯善別水味愛其

泉因以已字字之築室於旁馮夢祖為之記

互詳山水志今廢

心湖山人故廬在六十三都泮山明季蔣大忠居室大忠自號心

湖山人鼎革後披緇於董公曼勝菴今燬

世進士第在六十三都祝家陽玉屏山麓宋元祐辛未進士馮谷

故宅寢堂有祖孫父子伯叔兄弟甲科額今廢

郡馬第在世進士第側宋紹興庚辰進士兵部郎中尙郡主馮時

敏居第今廢

聯徽堂在玉屏山麓元處士馮邦彥建今廢

錢宰聯徽堂詩序至正十年暨陽馮邦彥

築室落成郡大夫靳侯過焉嘉邦彥兄弟之賢而相友愛名其堂曰聯徽坐客咸為詩以美之柯里聯徽堂詩堂前紫荆樹秋風宛如故日暮雙脊令飛來復飛去回首五枝桂零落燕山陲永言琴瑟和莫作豆萁詩陳韶詩軋軋機上織言作長衾布粲粲廚中飯言充同食具曳履上高堂相看髮垂素持彼少年歡守此歲華暮客從遠方來遺我綠綺琴上有十三徽徽徽是黃金不作離鸞調歡成鴻雁音好將曲中意留結後人心甲屠溶詩馮生不彈鋏乃為田舍翁男耕女織罷下爨得古桐援桐授琴師琴成波南風鏗然合清廟樂只歸黃鍾持將勸妻子少長和融融載絃陸兄弟鴻雁鳴離離以之御賓友坐客春風中出家達宗廟在用靡不通大絃莫浪緬一絃小絃絕小絃勿僭響響僭宮徵越大絃小必乖下僭上必戾右調七朱絲絲聲宣節左拈十三徽徽徽星點列與至每一彈倚蘭與白雪敢齊堂廟器聊爾室家悅請韜琴上徽與星終不滅黃鄰聯徽堂銘琴有徽弗章弗施曷操緜而比親有枝弗培弗滋曷奕葉而輝節既宣載鼓載希本既植以愉以怡斯有稱夫歐居

皆山樓在聯徽堂西邦彥弟邦實築今廢

陳樵皆山樓詩晚風扶

厭看石壁亂雲籠黯淡玉峰清靄護高寒良朋尊俎情何限老子胡牀興未闌浪說環滁多麗景紫巖誰識有仙靈王良皆山樓詩十二雕闌接太空嵐光面面罩鴻濛世間若箇丹青描出皆山細雨中王冕皆山樓詩平生僻性耽清賞幾度神遊縹

縹緲間今日晴明天氣好紫巖樓上看青山宋濂皆山樓詩危樓
百尺面山肩老樹擎寒不盡青何日過橋分半景傍雲同結草
亭元

凝碧軒在玉屏山麓元至正辛巳舉人台州路學教授馮勇築今

廢甲層性凝碧軒記台州路學教授祝里馮君剛中世居紫巖
吳湖之東築室數楹開小軒為燕息之所軒瞰尋竹竹外湖

水縈帶遂以水竹之故而名其軒曰凝碧徵記於余余謂水之
為物止而通竹之為物虛以直唯德者肖之今君不資以為
樂而退處寂寞之濱如野父田叟種竹千餘環立左右軒窗之
外日見鴟夷子所游千頃之淼茫風帆沙鳥雲煙變態集為几
案之具而君朝游夕息於此水竹之姿凝於一碧者蓋野父田
叟不足以知之而盡在君之襟懷矣其見於筆墨詩畫者一凝
碧之所發也雖然凝碧之樂於日者淺也請探其深方其開軒
見湖與天上下撓之不可濁澄之不清而其流注之潤綿互數百
里其及物之澤不可算矣君子體之止而能通者不於是而得
乎坐軒而對竹本固而未茂貫四時而不改柯易節昂干何而
不固不撓君子用之虛而能直者不於是而得乎君方釋敦學
事歸老故山其闢是軒左右陳列皆古今書史日與賢士大夫
劇切講肄周旋水竹之間據幽發翠是宜行益高道益尊既宏
乎內必揚乎外吾知其軒居之樂不果於凝碧之地矣若夫流
連光景肆情詩酒
豈所望於居者哉

進士第在玉屏山麓明成化戊戌進士南京刑部員外郎馮珏故居

華祝堂在玉屏山麓馮起潛居室今廢

雍敘樓馮夢祖居室即華祝堂故址建

馮夢祖雍敘樓銘并序順治辛卯先君子建堂顏曰

華祝康熙戊辰災兒子劬勉樓之更名雍敘禮樂不可斯須去身雍取諸樂敘取諸禮詞以銘之俾後人得省覽焉銘曰前古人不及見也後今人不盡見也讀聖賢書悉當世務內焉勿欺外焉勿忤知者不吾非愚者不吾惡維樂在懸有聲雍雍毋戾金石毋闕絲桐神之聽之於論鼓鐘門以內由我宅也門以外由我適也存忠孝心行修齊事克念立誠發暢不肆衾影無愧萌語言有倫次維禮為坊天敘秩秩曲焉三千經兮三百是履是遵其儀不忒

御史第在玉屏山麓順治乙未明通榜進士山西道監察御史馮

勸即聯徽堂故址築

捧日樓在御史第前馮勸致仕後築

馮夢祖捧日樓記余姪屏山於聯徽皆山之故址聯聯福

堂蓋取洪範九疇斂時五福之義而名之也歲丁卯垣之外復構樓三延主伯亞族及余設饌醴醴余飲酣睨視屏山放言曰

爾曷不堂而樓諸屏山曰樓以適用也曷名曰憶姪之母夢日
 入懷而誕勸今待罪蘭臺蒙朝廷祿糈以構此樓名之曰捧日
 當歎嘻爾父日諱爾叔日諱良臣望日孝子愛日直有然乎若
 夫鳴鳥催晴潛鱗戲浪日而春也桃李圍熟菱荷水漾日而夏
 也稻梁穎實菌桂香飄日而秋也雪瓣飛銀冰花凍玉日而冬
 也東山旭吐西野露晞維日之晨霞輝睨麗雲影暄騰維日之
 午玉峰留輝紫巖返照維日之晚至於熾炭烹茶提壺酌醞日
 時而飲刈菘掇韭速斝遲羔日時而饌枰開停鶴響發驚鴻日
 時而弈行間蚪蚪字裏笙簧日時而吟否則畷耜登壠菖波杏
 雨日可耕乎鉛槧繡裘疊案充几日可誦乎日唯唯可召爾子
 若孫來歟日可須臾羣至環席拊其背攜其手把酒屬之嘻若
 輩幸毋忘爾父若祖之構斯樓也守身如執玉如捧盈聖人惜
 陰君子惕若然乎否耶屏山稱觴疇余日善哉叔之
 訓也小子識之因噉飲沈醉大釀而罷遂書以為記

綠野莊在玉屏山北麓馮邦彥邦實兄弟築今廢馮至綠野莊遺

公文集未刊者十卷名曰樵雲方鳩工而華祝堂燬樵雲殉焉
 燬七十年而元孫至偶於郡城刻字肆得殘簡七行剝蝕不可
 卒讀其可讀者記綠野莊遺事凡百字有奇曰元季族前人邦
 彥兄弟貲鉅富講貫孝弟家居構聯徽堂皆山樓禮致四方士
 大夫而唯恐車轍之吝也則置莊於玉屏之北士大夫冠蓋過
 者務止宿致殷勤其高文碩德因延迎入里盡歡乃聽之去莊
 畔有泉日貽雲泉泉水清和歲甚旱不竭名泉之山日待駕云
 云今按邑志載聯徽堂詩古歌詞為最詳無一字及綠野貽雲

者卽家乘亦缺焉弗錄山今名戴家矣唯泉水清和如故而掬飲之餘求所謂貽雲者旣無從起九原而質其指歸求所謂綠野者而禾黍荆榛之外廢址頽垣亦復渺不可得臨風歎息殊不勝情

金汀吟社在玉屏山北金汀之湄玉環廳訓導馮至歸田後搨集

多士觴詠其中今廢

進士第在金汀里南上馮密宋皇祐己丑進士馮滋紹興乙卯進

士馮耀卿父子居第今廢

進士第在六十三都白櫟里明隆慶戊辰進士蔣桐居第今圯唯

門址尙存

周博士故里在白櫟里東盛後里宋國子博士周靖致仕後隱居

之處

進士第在六十三都金家站光緒庚辰進士金毓麟居室

七業居在進士第側金毓麟讀書處毓麟祖有七子法劉殷一子

一業之意以名其塾金本劉姓以避錢武肅王嫌名改姓金蓋猶用劉家故事云

烈婦坊在六十三都董公諸生何檢妻屠氏建

西安鄉

觀察第在六十四都檀樹頭順治乙未進士左江兵備道虞宗岱

居宅今廢

烈婦坊在六十四都何家山為宣珙之妻宋氏建

阮家步市在六十四都有上中下三街地臨泌湖鰕菜之所集

水南村在六十五都大宣村舊名宣南村亦名水南村在泌湖南

故名

王冕次韻王敬助詩小隱水南村喧譁不到門無言及名利適意在田園春雨桑麻長秋風果蕪繁生涯有如此何

用覓桃源西圃餘薑蔗東皋足稻梁今年誠有望吾計未全荒倚杖停吟久看雲引興長鄰家新釀熟同醉菊花觴慷慨登高罷風流入醉餘山田禾熟早海國雁來初對客無多論耽眠或廢書東南巖壑美時復命巾車野雲依竹靜霜葉近窗明對此

清幽境都忘喧雜聲看雲庸有感與世竟忘情但願添松竹期
君結隱盟豐年真可樂卻慮鬢邊霜新稻翻匙白香齋出甕黃
相逢宜脫略不必問行藏多少清遊夢無能到帝鄉鄉鄰同社
酒亦足敘幽情著作輕莊子悲哀笑賈生荒林孤鳥沒遠浦夕
陽明休問東陵後栽瓜卽邵平

水南軒在水南村宋水南先生王理故居今廢

王冕過水南詩一到水南宅喧囂便

不聞窗梅晴破雪庭樹煖淩雲間話經年別忘眠過夜分何時卜鄰住會老細論文

止齋在水南村元淮東道副使王良致仕後所築良晚年自號

止齋故名今廢

王冕悼止齋王先生詩休致歸來與世違平生所有未全施胸中經緯天人識舌底風雷宰相

知論道端然見周召得時元不下皋夔南金東箭誰誰擬綠水青山故故圍文采風流今已矣夫何能見紫芝眉中天氣黯星河慘南國春寒草木悲政事堂堂傳兩省論談臺臺攝諸夷老成如此多關係青瑣諸公淚亦垂三月燕山聽子規遺思令我淚垂垂雖然事業能經世可惜衣冠在此時霜慘晴窗琴獨冷月明秋水劔雙悲山河萬里人情別回首春風說向誰○近人周章高於齋陸樂室數遭屢見古衣冠者疑卽副使之靈遂捨去此光緒年間事也

明鏡里在六十六都宋爲孔胡里後以明鏡山

互詳山改名卽今

之江藻村錢時明鏡里賦蘇余家族缸竈鄉之西長安日明鏡

子無不謂說言孔胡即百年老人無一知解者斯何說也家有

九十二翁問以扣之翁曰若亦知吾居之缸乎吾聞高曾言宋

元為陶者居得玉缸窰中蜃溢而出泛以梅梁沈之湖中藁爾

吳山厥有奇石能發異光蓋玉石同體皆粹精也世故傳為明

鏡里翁語如此然亦人人能言之乙巳之冬余涉自淮泗浮揚

舟子忽訝曰此何物者赤如日白如月圓盤走珠累山之巔滾

滾山脊欲墜也是其為天鏡乎余趨起視之則光猶奕奕也以

此知宗老所述謠俗所傳原非謬悠何志者之略也豈采風之

猶隘耶慨懷久矣丙辰秋留都公事回涉江舟中適有鮑志者

閱之慨然有感援筆賦之厥以章里亦誌實也詞曰維東揚之

牛濟兮楚絕紀其上遊繫向乘之列采兮度祖龍以極頭清淑

之巖巒兮纒纒而屹屹鬱勃之鴻龐兮峙杭烏之西安爾其壘

蜒走馬兮乃聳削於白茅越嶺篠之孤律兮出臨白而羣壑四

望之硤硤兮初湧蓮其幾瑳厥巖尖其岱孫兮若鬪龍之霄摩

下則明湖一片兮美倩盼而冠簪百川之源以匯江兮漫攀鬢

而甍鬢鳳鸞翥其離離兮眠狗列其津厓龜玢璘而儼洛兮鬱

環迴嶂疊名隴之仙佳繫吳山之嶽崎兮中映發其天華誰元

錫而金膏兮既有燦其菱花昔仲宣識水精於山樵兮張蓋迷

黃衣於白雲咸陽徑丈而照骨兮彝則十二而科文竝孕石而

濡精兮乃茲塊之踵聞神炯炯而星流兮氣爍爍而電繞恍流

霞之過茂叢兮爛慶雲之遊春沼羌此物之何從兮百鬼突焉

龍從似霹靂之夜驚兮赫連擢其心孔嘗試懸爾於天空兮奚
不朗而八方壯士衝悲憤之冠兮幽閨斷淒楚之腸姦雄結白
日之霾兮烈士飛赤地之霜幾樂閃其可遺兮付淑忒其靡藏
左雲霧之興觸兮右風雨之旁皇僉曰異哉屬月之絳氣兮洵
矣連日之碧光載遊覽兮勃發礲礲兮有暨特碣玉臺互兮天
門洞巖谿兮地窟青龍之挂角兮鐵厓峯靈壁兮聖姑悼貞
婦兮立望夫浣紗之汨汨兮泣奚光於姑蘇繫石中之瑰奇兮
獨茲鏡之烏媚軼咸陽而西京兮荒霞餐而露吸極茲理之變
態兮竝大冶於陰陽惟懷奇而蓄變兮乃鬼怪而神祥賤砥礪
之類玉兮擲似珠之琅玕奕奕者其靡不之兮射牛斗之芒寒
爾其托以立法兮豈圓蓋之鴻暉核以歷絡兮煥方奠其緋威
誰為引以自鑒兮燭妍媸而佩弦韋胡春之非紙舊兮青掇列
而供研胡弩之非飲羽兮矚曩曩其印懸直媿美乎宛委之覆
盤兮亦金簡玉字而奎纏闕曰內瑩外闡以止為容兮其動也
時為光為龍兮孕靈雙筍峙帝宮兮大明赫熙德之隆兮紳膏
含滋元冥通兮金猜陸離吐霓虹兮大都一照人在中兮神鞭
山迹問大空兮重日維德之宅兮洞陽明盪瑕滌穢兮鏡至清
羲皇上人兮揭日月而行遠視於邇兮顧斯名我我湯湯兮莫
之與

進士第在江藻村中明萬曆丁未進士錢時第宅中為來清堂

圯

來園在進士第西錢時致仕後所築別墅取陶彭澤歸去來之意

故名面臨雁宿池駕以石橋周以曲闌波光掩映頗饒清趣嘗

聘山陰王子安孝廉臺為都講楓橋陳老蓮先生頻遊息其中

西爽樓在來園側方伯孫清平縣知縣錢洪表藏書之樓今圯

十莖草堂在來園東方伯五世孫錢曰布讀書處今廢

七聲居在江藻村西南黃碧陽中錢時讀書處今廢錢時七聲居

浙之龍門錢子點額來歸裘敝金盡形神落拓怨尤不作快悒

可知也厥有薄田數畦貨易園地一處廣可廿畝去家數里名

黃碧陽入山之深可作隱計構屋數楹顏其居曰七聲陶陶然

語讀其中頗自得也有客高奇貌古而矍弟侘其冠神禪其辭

迂步扣扉而入曰維山之深闐然無人吾聞子之讀書曾吟鏗

鞞乃作大聲鳥嚶蟲啾雜然而鳴是鳥所云七者其母乃七發

七感之流歎余曰唯唯嘗試與子聯臂而坐竝榻而談但適所

居鳥知其聲之為七為八也時維暮秋天湛玉壺躡鵬可剝執

釀可聽噶噶然翬翟備色翮翥百步一飲一啄倏而騫越其聲

其為山梁之時乎逸而唱振而和者何也余笑而不答飄飄蕭蕭

蕭大夫招遙客日何檐頭之颯颯也有上旁皇入焉荅膠離之

則兩寂分之則兼耳竟歸之誰氏子耶山高月小水落石出涓涓然箏箏然積水空明流之壁間蓋影出成響籟歸為空余指之曰蟾蜍能鳴流漸有光非色非空疑有而疑無者也子聽之人間世有是耶爾我相親嗒然其幾喪也厥有竹牀旁有石爐龍井初沸無絃一撥耳根圓通如坐羲皇客曰聲不可即耳不可執不聞而聞隨時變易聞者不聞唯心所得元哉子之言七也請以是懷歸可乎因述其說以記之

進士第在六十六都墨城明天啟壬戌進士壽成美居宅

翰林第在墨城康熙丙戌進士翰林院檢討壽致潤癸巳進士河南禹州知州壽致浦居室

進士第在墨城康熙壬辰進士湖廣光化縣知縣壽奕鑿居室
守經堂在墨城陽道光甲辰舉人壽僑居室

芝厓先生故廬在摘佳尖下 卹贈雲騎尉壽同春舊居今燬馬

過芝厓詩墨城文墨亦英華學政詞林數舊家一自天章類
煥彩佳峰佳處萃芝厓 謹案芝係墨城溪名故同春自號芝
厓府志作芝厓今從之

泰北鄉

麻車閣市在六十七都市迤東卽梓里隄靈女臺在焉

喬文惠寓宅在附六十七都漁鱗山前宋季東陽喬行簡微時贅

居漁鱗山孫氏此其高廬也今廢

寺後莊在吉祥寺後光緒庚寅進士王慶平故里今隸籍上海

趙家步市在附六十七都舊在江西五都花山下粵寇亂後移至

江東大侶湖中

泰南鄉

進士第在六十八都高湖涯明崇禎癸未進士余綸 國朝順治

壬辰進士余縉康熙壬戌進士綸子一燿縉子毓澄居室

芝瑞軒在進士第側惠州府知府余毓浩築康熙己亥毓浩死毓

澄偕同年友海甯許汝霖至高湖謁余縉墓夜宿其齋次晨於

榻外忽產靈芝三莖因構一軒顏曰芝瑞今廢

舍人宅在進士第側內閣中書余一燿居室知縣朱辰題其齋額曰古之學者

觀察第在進士第側道光己丑進士護理建昌兵備道余坤居室寓庸室在觀察第內余坤藏書處

蘿月菴在高湖後陽余綸隱遯之處

七松軒在六十八都泰南即宋之鄭墅里明南安府同知鄭宏父元亮築元亮自號七松居士今廢

山南草堂在泰南村明澧知州鄭欽自泰南遷居大部鄉楓橋鄭

家阪此其舊廬也鄭欽山南草堂詩歸老山南覓舊棲草堂只在白雲西綠草響處煙生籠野碓春時水滿

溪果熟樹頭松鼠過雨來花隔竹雞啼回思昔日朝天路十丈紅塵起御隄空轍馳驅幾歲華歸來白髮照烏紗尋詩著屐青山外修禊流觴綠水涯月下無猿偷柿栗雨餘有客話桑麻幽閒得享田園樂不用晨昏兩放衙作郡湖湘又十年歸來風景

尚依然一方親友多新冢百里溪山只舊田風月亭臺堪笑傲
 壺觴籬落任盤旋從今不被浮名絆林下逍遙侶散仙清溪一
 曲繞村莊載酒閒吟野趣長秋穫田中收稻穗夜吟窗下熱松
 昉日高麈鹿眠花徑雨過蝸牛上粉牆歸老山間真吏隱西風
 舊業未全荒壯歲承恩拜玉墀歸來山徑足棲遲人生妍醜何
 從問世態炎涼不可醫作郡我除苛刻政休官誰立去思碑試
 看萬里青雲路還有兒孫折桂枝十年為郡佩金章回首前程
 夢一場歲過春冬忘拜表月臨朔望罷行香秋風籬落黃花酒
 曉日亭臺綠野堂欲棹漁舟
 隨處樂白鷗波闊釣絲長

南山別墅在泰南村鄭氏遷楓橋後以其舊廬為別墅今廢鄭天鵬南

山別墅詩草廬別在鳳山南門掩松蘿滴水嵐萬頃黃雲香稻
 熟一簾紅雨小桃酣生胎曉放籠中鶴結繭春登箔上蠶有客
 問奇時載酒東風花裏試停驂

似園在六十八都東沙埭歲貢生郭肇家園郭肇似園記似園非

在宅東隅厥東稍南藝菊一區花時以本計者二百以類計者
 五十植以葢盜羅以髮几坐乎室中而瞭乎庭外窈若無際嘉
 客戾止酌酒賦詩襲故蹈常七稔於茲客曰族若是繁矣業若
 是耽矣是其非室庭之事宜有園主人曰吾何園有之非園似
 園焉入其中瓜疇芋區衡從以列桑柘翳然菊迺其隙故曰非
 望其外短垣繚圍橘柚垂垂木末芙蓉迎人若僂沐馨餐露饌

動意移吾謂之園疇曰不宜而主人曰否吾惡乎似之亂真者
故曰似也客有餞顏超起不前謂若所睹奚若所傳於戲噫嘻
客不見乎檐楹之下欄楯之交若疏若整若俯若喬若鱗若冰花
若羽偃蹇若奇女墜地有耀其燁若幽士在澗有辟其璫目
神鏡取之而備客為其逸我為其勞得真遺似無若呶呶若夫
披莽拂歲烈壤沃泉圃師賦曳我御子前夕綱晨雲趾畝類
秋以為期懸目為腫眾之所疲我之所怡玉津為儉金谷為媿
舉似吾園斯為過之知來日有適如川方舟繇似得真任吾泳
遊求似得似吾可以休客曰唯唯引觴促席偃僂匪勞箕踞匪
逸馮生芸芸神以為軌作息閑閑遊方之外
敬聞妙論如昧斯跡請錫嘉名名之日似

進士第在六十九都瓊山同治戊辰進士湯銘新居宅

安俗鄉

龜山亭舊志在縣東二里放生湖中唐縣令郭密之建今圯湖山
亦無可考案宋呂祖謙入越錄出縣東門五里放生橋道左女
貞新葉生黃綠閒錯如行闔粵荔支林據此知放生橋必在放
生湖中其地應隸安俗鄉

又案樓志古蹟志引萬歷府志云龜山亭在縣東二里放生湖
 中郭密之建山川志引隆慶縣志云放生湖在陶朱鄉縣西
 一里縣東縣西一里二里說兩歧矣又名宦志郭密之傳引苗
 歷府志云築放生湖溉田二千餘頃水利志引浙江通志云湖
 塘在縣東二里唐天寶中令郭密之築溉田二十餘頃所謂湖
 塘者即放生湖之塘而二千二十字又兩舛惟嘉泰志與入越
 錄二說符合其時去唐較近而東萊又身經其地當必不誤故
 刪去歧說僅錄嘉泰志於山水志中而龜山亭則著錄於此

華表柱村在七十都村有古石坊跨路故名

百歲亭在七十一都長官橋東咸豐九年百歲老人王明山建

舊甸莊在百歲亭南郭元宰別墅今廢宋辰宿郭聖臣應甸莊詩

傍暮雲殘飢鳥呼突秋將老劫火零丁夢已關耕有豔泉引黃
 姑分出水葉燒青女煉成丹到來不用增惆悵天地何如洞口
 寬

馬秀才店在百歲亭東十里牌宋呂祖謙入越錄云出縣東門五

里放生橋五里馬秀才店今遺址無可考

集賢書院在七十二都毛村灘貢生毛棟建顏其堂曰寶林舊在

朱王兩港夾沚景趣幽雅淳安方黎如會稽徐廷槐和經講學
於此乾隆間舉人樓卜瀾修縣志設局於院後漸圯今移置村
中院宇僅存什之一矣

兩世傳芳坊在七十二都碑亭莊光緒丁亥節婦徐如洋妻郭氏

暨子炳南妻郭氏建

仁和譚廷獻諸暨徐氏兩世傳芳坊詩縣

來者勸來者君子人飲冰齊所願再世五十年桐此心一寸豈
復信世間勃綏有頑鈍姑兮筠青蒼婦兮蘭繼緒高節與幽芬
曷用造物怨富春山色古韶隴陵阜隔塵瀾超然讀書堂令子
筮肥遜山林乃養志華廡謝以良願園籬欲樹恆春霜霰無復
恨坊表凌霜高雙節邦為憲
越國尊寶書足徵此文獻

孝義可風坊在兩世傳芳坊左光緒乙巳為孝子徐職建

德清俞

子詩卓哉徐孝子至行無能俾但盡無方養不作有方遊
遊不樂笑語常嗶嗶母或有小疾焚香露叩頭為母封厥股為
有不樂笑語常嗶嗶母或有小疾焚香露叩頭為母封厥股為
母砥其眸齋甜族為母執梳枇為母洗廁脬親故有慶吊旦夕
無淹留晨出騎驟行暮歸放驟休熾乘之歸不逾之齋暮小齋
日日省賓客來綢繆名理談程朱詩句聯韓歐忽聞母一呼雙

袂登時投倘伴頤園中年年春復秋依依鳥巢內不知有王侯
類姻鵜鷺醮禮母之遺愛族黨無弗調遵母之遺命善舉無弗
修為母表苦節上達十二旒為母卜吉壤踏徧東南州未葬不
釋服麻衣如蜂蟬此尤今所希迥異恆人儔鄉里重其孝環向
臺司求

天子嘉其孝詔書下所由建坊表門閭貞石工雕鏤儼翻泮社
譙會翺鷖躡方今人間世風俗亦小偷天性日以漓異喙鳴
啾啾卓哉徐孝子至行人難侔我為孝子詩敬俟太史輶

頤園徐孝子養母之所德清俞樾書額并跋且臥徐先生曾以孝

子 旌頤園者其所築以奉母者也謹為題榜以存遺蹟邑人

慕其孝義為輯頤園集傅墨林和頤園主人即景詩園林繁茂

鬢變高人臥看白雲飛桑多帛羨吳蠶好竹密盤添孟筍肥誰

及慈烏勤孝養娛親時為舞萊衣傅振湘與黃雲襄先生重遊

頤園詩名園回首溯前遊一別光陰逝水流魚鳥多情憐舊客

江山無恙感新秋翹趾臨風疏柳輪青眼點雪寒蘆映白頭卻

笑傳咸任嬾甚飛鴻爪迹不曾留

詩見存真詩鈔兩浙輶軒續錄